

乙亥重編

輿地志

建置

唐虞夏為梁州域商因夏制有庸蜀巴濮錯出其間周武王既克殷并梁州以合雍州以其宗姬封於巴爵之以子其地東至魚復西至夔道北接漢中南極黔涪則瀘固周之巴國也周慎靚王五年公元前三一六年華陽國志作周慎王蜀王伐其弟苴侯苴侯奔巴巴為求救於秦秦惠文王遣張儀司馬錯救苴巴遂伐蜀滅之儀貪巴道之富因取巴執王以歸置巴蜀及漢中郡漢高帝滅秦為漢王王巴蜀前二〇六天下既定乃分巴置廣漢郡建元六年前一一三五又兩割置犍為郡世所謂分巴割蜀以成犍廣者也犍為郡屬縣曰江陽治江洛會者政今日之瀘治也春秋傳曰水北曰陽說文曰水南曰陰蓋江陽以在江北得名

水經注江陽縣枕帶雙流據江洛會也漢景帝六年封趙相蘇嘉為侯國史

瀘縣志

卷第一

輿地志

建置

一

久康鉛石印刷社承印

記江陽康侯蘇嘉漢表作蘇息索隱曰江陽縣名在東海按漢置東海郡為今山東舊兗州府東南至江蘇邳縣以東至海之地此與酈注不同

犍為郡屬縣漢陽東漢改曰漢安為枝江都尉治水經注作岐江都尉段玉裁曰今漢書俗本班氏自注脫去枝江二字江

陽本犍為枝江都尉地也建安十八年三一漢安程徵石謙白州牧劉璋求立

郡璋聽之於是置江陽郡此據華陽國志晉書地理志則云章武元年（二二一）分犍為立江陽郡屬縣四江陽附郭其地東

接巴郡南接牂牁西接廣漢犍為北接廣漢晉為益州江陽郡江陽縣惠帝之

後李特僭號於蜀稱漢益州郡縣皆沒於特是時益州郡縣雖沒李氏江左並遙置之桓溫滅蜀三四其

地復為晉有咸安二年三七益州復沒於苻氏太元八年三八復為晉有義熙

元年四〇梁益陷於譙縱寄治武陽號西江陽郡唐書地理志彭山漢武陽縣屬犍為晉於郡置西江陽郡按今彭山縣有江陽故城九

年四一三舊志云隆安元年誤也朱齡石平譙縱西定梁益復舊土置東江陽郡宋齊因之梁為瀘

州江陽郡江陽縣魏周因之

瀘州治馬湖江口李吉甫元和郡縣志作梁大通五二七至五二八初置樂史太平寰

宇記作大同五三五至五四五中置祝穆方輿勝覽李臯西山堂記云郡名為瀘者蓋

因梁大同中嘗徙治馬湖江口馬湖郡卽瀘水下流因遠取瀘水爲名馬湖江爲濱今屏山縣之大江以屏山卽蜀漢時置之馬湖縣也通典州郡志瀘州瀘川縣杜佑自注云本漢江陽縣隋唐皆爲瀘川縣隋書地理志瀘川郡瀘川縣注云舊曰江陽並置江陽郡開皇五八一至六〇〇初郡廢大業六〇五至六一八初置瀘川郡縣改名焉段玉裁曰梁置瀘州治馬湖江口以馬湖江卽瀘水故曰瀘州也後徙治江陽而仍舊稱爲失其實矣據此梁武帝雖初置瀘州而在馬湖江口江洛會之地固仍爲江陽郡江陽縣也

瀘卽說文驢字許慎曰齊謂黑爲驢段玉裁曰經傳或借盧爲之或借旅俗字

改爲爲之徐鉉說文新附瀘水名蜀水經曰瀘水色黑故以盧名蓋瀘爲黑

水之義禹貢華陽黑水爲梁州孔安國傳梁州之境東距華山之陽西據黑水漢書地理志犍爲郡南廣縣汾關山符黑水所出北至犍道入江又益州郡滇池縣有黑水祠蜀志諸葛亮傳五月渡瀘裴松之注引漢書地理志曰瀘津水出牂牁郡句町縣漢書作盧唯水元和志曰瀘水在瀘縣西一百二十里水峻

## 瀘 縣 志

### 卷第一

輿地志

建置

二

久康鉛石印刷社承印

急多石土人以牛皮船渡嵩州至瀘渡四百五十里蓋卽今金沙江也故金沙江卽瀘水爲古梁州之黑水李暄西山堂記所謂郡名爲瀘者因遠取瀘水爲名是也此與水經注所謂黑水出張掖雞山至於燉煌爲雍州之黑水與至于三危入于南海之黑水爲應屬今日之瀾滄江者各別顧野王輿地志以黑水至犍道入江與漢志及現勢均合而馬貴與狃於孔鄭通儒莫知其所譏其未爲實錄殊非是

隋煬帝大業初置瀘川郡瀘川縣武德元年六一改爲瀘州三年六二置總管

府尋改都督府天寶元年七四改爲瀘川郡依舊都督乾元元年七五復爲瀘

州均隸劍南道縣曰瀘川州所治也貞觀八年六三析瀘川置涇南縣尋省梁

開平二年九〇前蜀建國仍曰瀘州瀘川縣唐同光三年九二郭崇韜滅蜀復

爲唐有長興四年九三孟知祥建國遂入後蜀建隆三年九六王全斌滅蜀遂

爲宋有因後蜀之舊仍曰瀘州瀘川縣至道二年九九分天下爲十五路瀘屬

西川路元豐一〇七八至一〇八五又析爲二十三路瀘屬潼川府路於時領縣三並羈縻

州十八置瀘州軍節度爲軍事州宣和元年一九賜軍額乾道六年七一升本路安撫使蒙古入寇亟嘉熙二年三九築合江之榕山再築江安之三江積四年四〇又築合江之安樂山爲城淳祐三年四二又城神臂崖以守景定二年

六一六月潼川安撫副使劉整以瀘州叛降蒙古翌年六二正月四川宣撫使

呂文德復瀘州詔改爲江安軍徙治江南至元十六年七九復改瀘州還故治

屬四川等處行中書省二十年八三徙州治茜草壩見四川通志卷五併瀘川縣入焉二

十二年八五隸四川南道宣慰司重慶路領縣三江安納谿合江明玉珍據蜀改曰瀘州

路軍民府明曰瀘州洪武初仍屬重慶路於時由茜草壩徙江陽舊治卽今治

所舊志所謂改拓蒲家莊犀牛寨而民之明史所謂西有寶山西南有方山大

江在東資水自州北來合者也洪武六年七三直隸四川行省九年七六直隸

布政司屬下南道領縣三江安納谿天啓六年二六增置九姓長官司清沿明制光

緒三十一年〇五改九姓司置古宋縣三年十月五日一九一一年十月二十一日瀘州光復設

瀘州軍政府置正副都督尋卽裁撤設蜀軍都督府瀘州地方司令官民國二

## 瀘 縣 志

### 卷第一

輿地志

建置疆域

三

久康鉛石印刷社承印

年一九改縣設瀘縣知事公署隸永寧道與舊領之三縣脫離十八年一九道

署裁撤十九年二〇一月一日改組縣政府易知事爲縣長直隸四川省政府

二十四年三五六月全省劃分行政督察區十八瀘設第七區行政督察專員

公署轄縣八瀘縣合江納谿隆昌富順古宋古藺叙永縣長由專員兼任

### 疆域

清一統志瀘州直隸州井鬼分野鶉首之次舊志瀘於天文井鬼之次入參四

度按本境位置約當東經一零五度十五分首都偏西十四度北緯二十八度

五十分東西相距一百七十里南北二百五十里面積約二萬六千方里據李紹來圖估

毗連江津合江叙永納谿江安富順隆昌榮昌永川九縣東至江津界一百

里東南至合江界六十里南至敘永界一百里東南至納谿界三十里西至江

安界八十里富順界六十五里西北至隆昌界一百二十五里北至榮昌界一

百二十五里東北至永川界一百里西北至省七百五十里東至首都水程四

千一百七十四里

城郭

宋政和中一一二至一一二七孫羲叟為瀘帥始築土城見舊志紹定中一二二八至一二三三魏了翁

知瀘州時瀘為大藩控邊面二千餘里了翁乃修武備治城郭為捍衛之計見方

興紀要元末兵燬洪武初夏人歸附用都指揮馬葉望奏開衛治令指揮皇甫霖

仍舊址砌石城高一丈五尺周九里七分計一千二百四十二丈宏治初兵備

羅安知州何綸拓基增建層樓經始乙卯一四九五二月至丁巳一四九七八月告成大

學士長沙李東陽撰記城門六曰寅賓旗遠拱極寶成會津凝光為明初以來

之舊名正德嘉靖間約當一五二二左右新都楊升菴觀江漲詩即有凝光會津等門名通志以諸門為隆慶中一五六七至一五七二兵備田應弼增闢蓋誤崇禎末獻賊燒燬

頽塌日甚康熙四十七年一七〇八知州張士浩捐修樓堞欄柵次第完繕乾隆二

十二年一七五七知州夏詔新以東城崩塌又火災率士民捐貲修葺增建小北門

於西北隅樓堞欄柵悉行鼎新光緒七年一八八西北隅傾圮分巡道延祐撥公

款培修十七年一九一八知州李玉宣重建拱極會津兩門樓堞民國六年一九一七自

大北門以西一段城垣崩潰數十丈知事張景星賡即籌貲修葺八年一九一九又

瀘縣志

卷第一

輿地志

城郭

四

瀘縣久康印刷社承印

新建寶成門樓堞十一年一九二二師長楊森駐瀘折去小較場城垣一段十三年

一九二四新建寅賓門樓堞十四年一九二五師長楊春芳復將小較場城垣補葺並增

建小西門於西南隅十八年修築市街馬路折寅賓門

明李東陽修城碑記瀘為蜀名州當雲貴要地南接大壩諸夷犬牙相入古

者設險守國王公所同况邊疆之域要害之區苟非崇墉峭壘固壘深溝何

以控扼險隘國初建一衛三所置城池宿官兵以控制之成化丁亥諸夷作

亂朝廷命將討平乃徙衛於渡船堡逼大江以扼兵衛且特置按察副使一

人專治兵備統敍馬瀘羅君時泰實任茲職政理就緒周覽城堞慨其卑隘

彫圯不足以居重服遂命州司為修築計為之吏者曰吾之責也不可以緩

為之兵民者曰吾所恃也其孰敢或後參譁交作杓椽竝舉於是隍增洫濬

圯繕壞修塗頽飛文製磁禦敵靡不完整經始於宏治乙卯春二月至于丁

巳秋八月告成知州何綸同知趙廣實終役而州人鄧公順太僕寺徐君鴻

舉刑科都給事中張君大用及公弟僉事君卿請予紀其成績余維今之郡

縣卽古侯國但疆土非世守官吏不典兵士大夫職任邊疆者但幸終任之內寇戎無警烽燧不驚則怡怡養安雖明知夷性匪茹動作有時而及厝火未然且臥積薪之上以避興工動衆勞民傷財之責成至圖求久安計防未然其經畫闕如也今羅君治瀘先撫輯而後號令賦歛有時以贍其財徭役不苛以養其力俟其時之可爲然後諄誠諭勉先之以悅而使之以役是以官不虛帑藏民不生怨咨其不日而奏功者皆集衆志而成者也是役成而保障之功著捍禦之計完邊境頑酋縱有狡焉思逞之心亦將阻於高隍堅壁扼其喉項而心折氣奪疆宇爲之永寧是羅君之有造於瀘人者大也自今以始守茲土者覩恬養之樂而念修葺之勤其不繼君以圖勿壞者非所望於後之人也羅君能舉賢任人盡其才以成厥功其在瀘嘗闢演武場遷瀘衛於納谿路更定遠江門三堡何綸趙廣諸賢人之功居多他如葺尹太師諸葛武侯祠廟修州縣志皆其餘力也

夏詔新重修瀘州城垣碑記文不載

碑在城北大街字跡久已漫滅不復可識舊時刑人於碑下俗謂之殺人碑民國四年修街折去清

## 瀘縣志

### 卷第一

輿地志

城郭

五

瀘縣久康印刷社承印

明楊慎凝光門觀江漲詩六月舊井無禽七月乘船入市樓臺蜃氣晨浮原隰龍鱗秋洗望洋河伯自矜鬻渡津人爭喜東林老衲厭喧喚打暮鐘清耳會津門觀江漲詩渺渺波環紫貝蕭蕭風起青蘋花市寧非海市美人疑是鮫人眉撫春山學翠臉凝秋水如神銀漢雙星漫渡石城兩槩無津

清王士正聞官軍復瀘州詩月黑斫連營嫖姚轉戰輕已探猛虎穴急扼釣魚城三峽烽相照雙江浪漸平萬州羣盜在從此事刀耕

按魚洋此詩當作於滇逆告變時無可繫屬故附載

此於

城廂市街分隸警察五區其名稱如左

鈕子街 寬厚街 向陽街 衙院街 魚市街 大北街 荒市街 武廟

街 朱紫街 桂花街 篋子街 蒲家街 道署街 三倒拐街 黑神廟

街 錢局街 會津門城垣街 大北門城垣街 小北門城垣街 西門城

垣街 上警察一區

三牌坊街 東門正街 鐘鼓樓街 西門正街 皂角巷 院前街 韓家

垵街 卸甲橋街 水井溝街 白塔街 迎敵橋街 慈善街 學坎上街  
南角頭街 凝光門街 文廟街 范井坎街 三星街 營盤街 財神  
廟街 專城街 南極子 前興隆街 後興隆街 庫房街 東門城垣街

凝光門城垣街 南門城垣街 上警察二區

寶慶街 順城街 人和街 銅店街 營溝頭街 鉛店街 井溝街 中  
和前街 中和後街 上警察三區

大河街 後河街 鐵石板街 管驛嘴街 小河街 世壽街 魏家街  
琵琶溝街 太平街 上警察四區

火炮街 扇子街 上碼頭街 小街子 資江街 中碼頭街 大街上  
綾子街 孝義街 豆子街 橫街子 猪市街 新街子 轉角店街 寶

蓮寺街 半邊街 倒退街 上警察五區

距城西七里有郭南至大江北至沱江爲城堞十餘里有關曰龍透今稱險  
固廣輿記云世傳諸葛武侯立明崇禎末補築有崇禎十一年新建神臂關碑

瀘縣志

卷第一

輿地志

郭城

六

久康鉛石印刷社承印

記略可辨識今之重關同治二年署牧周錫齡因舊址傾圮所建也

名勝志作龍建關

新建神臂關碑記崇禎十年丁丑十一月十七日余甫到江陽而是時州中

□□□□急□謀所以守□□日僉曰龍透山爲忠山咽喉守之□□□□

□□形勢□□我□□且無可著足僅一綫可通來往□□□立召匠鳩工伐

木□□□當道處設爲隘結石爲壘高可丈餘廣則倍之中留一門立之以

□備出入也上設一樓□櫺布列便眺望也□□□□□□□□□□□□

□門利防守也名之曰神臂關既成□□□□□觀斯岡也測高□□視

遠□深山曲徑而不得其利矣而又□□□□兵將之□□□□矢石從容

□而一有警自足制賊死命不待對壘而勝算在我矣是役也起於丁丑成

於十二月念□日凡木石工師之費皆自□□不動公幣而始終其事者則

衛經歷江輅爲之時州守□明新至□觀厥成□□有光□□□□關皆次

第成之是爲記崇禎十一年歲次戊寅孟春吉立

賜進士奉政大夫四川按察司分巡下南道僉事參政

山脈

瀘之山脈在江南者為南嶺正幹烏蒙山之餘脈烏蒙自雲嶺東延繞金沙江盤江之間東北行經滇黔邊境而入蜀之敘永至敘永東北境約距瀘境三里而為普照山瀘南岸忠崇之山皆由此發脈故曰普照山脈在江北者為北嶺正幹岷山之餘脈岷山分支走於岷江與大金川間曰邛崃山脈東南走經青城山龍泉山而伏復經仁壽榮縣富順至江安瀘縣交界之地而為禱祝山故宜民之山曰禱祝山脈又分支走於岷沱及涪江間者曰鹿頭山脈經銅梁永川以入瀘蜿蜒於里仁麟現與衣錦間者曰薄刀嶺山脈以入境之山曰薄刀嶺也又分支走於瀘與隆富邊境者曰龍貫山脈以近天洋坪之龍貫山較為著名也

普照山脈自敘永北走入瀘境蟠結為大里村大里村踞胥溪永寧河間南為

營盤山鉅縣城南一百十里登山場之南迤北曰雙鳳山南一百里登山場之南又北曰金鳳山南五十里登山場之北東曰鐘

鼓樓山南九十里白節灘正西東南曰三華山南一百里白節灘之南東西相距約三十里南北約五十里

瀘縣志

卷第一

輿地志

山脈

七

久康鉛石印刷社承印

本境唯一之高原也自三華山東北走至大旺場分支向西北走者為小帽山

與大帽山相連大帽山南七十里在大旺場與豐樂場間大南山南六十里豐樂場西南北走近利和場者為小鼓樓山東南

八十其東曰仙頂山東南八十里近合江界舊志作在羅東漕誤其西曰羅東山南七十餘里利和場大旺場間又西出至豐樂

場之西者曰沙山南五十里以上皆忠信之山也其接小鼓樓而入崇義界者曰鼓

樓山即大鼓樓東南八十里近利和場由此北出折而西至忠信近納谿境曰朝陽山南三十里豐樂場西北二十五里

又北至分水嶺折而西曰四峯山東南三十五里大小石子山東南三十里豸角山南二十里南壽山

南十六里以上諸山皆橫列於太安場之南折而西北至江濱有少鶴山迤西至忠

信境與朝陽山紗帽山毗連有九川山南二十里藍田壩之南其由分水嶺北出經蕭山萬

山東五十里近彌陀場而西折者為三潭觀東五十里近彌陀場三潭觀北曰蘇家山東北曰蓄穀山東五

十餘里近中興場西為賽峯山在四峯山北一名雞峯山

營盤山 嶺上五峯挺立鄉人呼為五嶽朝天傳明末流賊屯聚於此插旗嶺

外故今名插旗山

雙鳳山 一名雙峯山雙峯前高後低峙立雲表登之可望百餘里上有古剎

今存隆慶三年一五鉅鐘臥山中焉

清真生游衡仁有雙峯八景見瑣聞

金鳳山 尖峯聳峙其形如鳳故名

鐘鼓樓山 峭壁如削

三華山 三峯鼎峙山周數十里田疇櫛比竹樹清幽

大帽山 與小帽山相連其形如帽

大南山 周數十里產茶最盛

鼓樓山 林木最盛與小鼓樓相連處爲雙鎖關旁有石筍卓立高數十尋

仙頂山 上有韓飛霞修煉處洞天石壁刻古風一首末句云風情流出落花

素餘多剝蝕書法飛舞惜題者姓名不存

羅東山 一名尖峯又名飛鳳山其巔僅容一席下爲羅東漕峯巒層聳周太師尹吉甫故第及瑩兆俱在焉

清鄭秉桓羅東賦層巒嶮巖怪石嶽從龍蟠鳳翼淵然若衝實爲大壑號曰羅東赤壁嶙嶙而峙其側翠嶂疊疊而環其中恍鳳城之屹立擬雉堞之爭

瀘縣志

卷第一

輿地志

山脈

八

久康鉛石印刷社承印

雄紛藤蘿以翳日雜桂芷以生風聞猿聲於月殿指鳥跡以雲叢振衣而力抗千仞長嘯而氣貫白虹忽仰躋而惴惴忽俯瞰而怵怵疑蛟龍之出沒洵虎豹之藩籠惟中峯之挺秀獨脫穎而上翀傲神女之十二射太虛之九重睹天柱於瀛島植仙仗於華嵩弄煙雲於筆底掛星月於戈鋒維山降神厥誕偉人曰尹吉甫秉國之鈞嵩高賦而風流代絕戎車飭而王國鼎新弼中興於姬代博雅譽於蜀氓鹽梅之望旣隆蓼莪之化遂遠憐閔損之不堪知重耳之未免聞履霜而六月生寒睹長江而五內爲泫想其劍履南入簪纓北轉戚里之望正賒陳遵之轄不倦晨霜暮雨時沾奔競之襟澗草徑松每識趨承之而無如世久代深陵遷谷變恨石徑與松門條桂宮而蘭殿牧人識華表之基郡守缺椒漿之奠豈消息之無常亦盛衰之互擅予乃仰觀雲物俯察地紀剪菊徑於陶門接芳鄰於孟里撫髀而氣凌紫霄按劍而威憚青兕時登高而遠眺時臨流而洗耳掇幽芳以佩貽蔭喬木而徙倚天若高而可捫泉雖深而冽泚北窗寄傲則疎竹龍吟南畝策筇而爽氣襲履或尋



詩於嶺上或訪友於棘杞惟數著之殘碁列山穀而酌醅至若晦明風雨柴扉半啓然湘竹以代膏理素琴而漫撫朗誦莊騷狂歌梁甫但聞螻蛄之啾啾曾不識人間之纓組亂曰若有人兮山之隅紉申椒兮佩琨瑀牽櫟柳而容與兮撫長劍之鏤鏤願與予言同歸兮無致恨夫砮砮

沙山 周二十餘里山半有大小坪民國四年南北軍交戰於此

朝陽山 峯巒尖銳特立孤高上有朝陽觀爲明時古剎

四峯山 與豸角山相對峙

石子山 漫山石子如棗如栗山上常年溫燠材木不植庶草蕃蕪

豸角山 特出衆山之上與四峯山相望上有呂仙亭遺蹟巔有石矗立如角故名石今已圯

南壽山 山形高秀宋熙寧中一〇六八至一〇七七置寨於此名博望後平宴州叛夷守

臣繪圖以進神宗悅之賜今名舊志云初名博望即諸葛武侯屯兵處○郡中諸山水多指爲武侯遺蹟相習而莫辨其非按武侯征蠻渡瀘乃在越雋之地由黎州而兩林而瑟琶而雋州以達於瀘水然後南抵弄棟即姚州地也前輩辨之甚詳而舊志中輒相傳武侯於此云云曰博望寨曰撥旗山曰安遠寨曰八角倉種種訛傳不可枚舉欲概削之而有所不可也故爲辨之如此

瀘縣志

卷第一

輿地志

山脈

九

久康鉛石印刷社承印

少鶴山 清學使吳省欽因鶴山院長楊卓請而名之大書於巖上

賽峯山 一峯孤挺與四峯相望

禱祝山脈自江安東走入境經鎮龍山西六十餘里折而南經馬嶺西南七十里折而東

爲方山西南四十餘里華陽山西南三十五里又東北爲煙燉山西二十里馬鞍寺西二十里又東

爲龍透關西八里寶山寶成門外瑞鹿山旗遠門外

方山 一名雲峯又名回峯唐天寶六年敕改今名名勝志云其山八面下瞰

兩江通志云山有九十九峯高聳秀削上有積雪峯乃九十九峯第一峯冬春

積雪晴光遠照如玉屏按九十九之名不傳久矣清乾隆乙未僧慧安遊天台山聞之天台老僧歸與南海僧越蓮探考明確曰雪霽峯巔池峯龍湫峯慧日峯五老峯普明峯獅子峯畫眉峯

錦屏峯紫微峯接天峯文殊峯千里峯文筆峯薄刀峯普賢峯小峨峯土地峯望瀘峯饒鉢峯凌霄峯回峯太極峯飛霞峯象鼻峯象王峯松濤峯芙蓉峯華陽峯天香峯降龍峯風拂峯獅鈴峯伏虎峯觀斗峯登台峯中興峯雷音峯觀音峯善財峯龍女峯聖水峯白練峯妙高峯德雲峯別見峯天臺峯狀元峯弱獅峯芝蘭峯瑞靄峯湧蓮峯普照峯揮塵峯談玄峯碧翠峯賞吟峯碁局峯補衲峯般若峯呼猿峯雁字峯指月峯一拳峯面壁峯靈泉峯耀金峯栖鶴峯留帶峯護國峯四面峯峯嚴峯祝聖峯照明峯天竺峯麒麟峯玉露峯寶印峯金英峯點石峯長壽峯雲峯竹浪峯貓兒峯歡喜峯鉢盂峯鼉龍峯卓錫峯東澗峯玉皇峯白雲峯彩霞峯心月峯石盤峯爛柯峯臥雲峯迎江峯見方山志

明韓位甫方山詩擊槩情何壯尋山興不窮江雲舒窈窕霧雨忽溟濛浪花

前浦白漁火隔江紅泊岸舟生浪還期棹引風探奇猶有約重爲問青叢

華陽山 與方山相對山勢橫亘捲地而起

忠山 城後枕山也一名堡子勝覽云寶山初名堡子爲巡檢廨慶元間

一一九五至一

○州帥陳損之移廨山西建堂其上安撫置制使袁說友榜其堂曰江山平遠易名寶山下瞰城郭萬瓦鱗集兩江合流又名得功山漢諸葛武侯嘗駐節於此上有武侯祠明崇禎時提學副使何閔中更名大忠山

明張駿寶山賦巍乎高哉蜀之寶山也卓乎瀘之南北襟三峽而帶巴渝控秦雍而引羌熨接青天之芙蓉擁金鰲之鼉夙俯萬里之長江擎中天之日月分岷嶓之形勢領峨眉之地脈當要衝於大都實鞏固於上國迺其逶迤蜿蜒巖崖崕崕迴巒伏嶺列壑攢峯直如戈戟森如劍鋒舒如旗幟覆如幘幪翥如鷺鷥蟠如蛟龍疊疊盤屹屹崇崇雄矣哉若三軍之歸大將尊矣哉若羣孫之依一翁其左右之羅列不啻衆星之拱北斗百川之秉朝宗也其東則沙灣春曉煙柳敷榮東壁夜澄明月輝映雲開林麓送來筆架之青日出扶桑光耀尖山之碧其南則涓涓滴乳湛湛澄溪荔枝畫永而鋪錦蒼

瀘縣志

卷第一

輿地志

山脈

一〇

瀘縣久康印刷社承印

巖翠現而呈奇其西則玉蟾之壁立千尋嘉明之澎湃七里雪霽方山冰融牙涖其北則小市而閭閻撲地資江而舸艦迷津餘甘樹老而晚渡之名未泯紫金堆沒而伯奇之蹟猶存若乃其中則州城百雉廣廈千間街衢洞達闐闐瓜綿魚鱗萬瓦蜃采百纏人不得顧車不得旋揮汗成雨噓氣成煙州治則公堂雄冠而民情之所繫宮牆則杏壇清雅而風化之攸關轅門而甲兵肅肅鎮府而庶務平平白塔朝霞而飛簷翬起元壇高妙而疊榭棚鴛至於百穀垂穎桑麻蒨蔭花卉之蔚麗草木之爭榮鳴琴自若草木不驚山有所利寶藏興嘆惟此山峻極於天扶輿清淑篤生英賢在周而降吉甫則爲帝室之良輔於宋而生鳴復則爲學士之觀瞻光明俊偉之士冠蓋相望文章才德之俊朱紫相連鍾此山之奇秀必於是而生焉予嘗登絕頂陟崔嵬竦予神以矗立發孤嘯而遠思思大禹之疏鑿嘆武侯之出師張魏之高名猶在文翁之風教如斯望昇仙慕相如之壯志瞻綿竹羨李白之雄詞視子雲亭而草玄何古讀王褒頌而用字何奇眉山在望仰三蘇之文學錦城入

眼企諸子之歌詩則夫名山大川通都巨邑可一覽而盡之睥睨乎巫峯之與匡阜岷嶓之與峨嵋歷古今而達險並天地而愈輝倘吉甫與鳴復之再作則予也揚眉吐氣與之齊驅並駕於明時

清王士正登忠山詩江源分內外千里會瀘州歷歷五峯影茫茫三峽流青山烟外寺黃篾水邊樓夕照層城暮迴風引棹謳

瑞鹿山 名勝志云在州城南五代周時道士尹希巖開山有白鹿往來山中故名上建瑞鹿亭今已圯

薄刀嶺山脈自永川入境爲薄刀嶺東北百五十里當寶峯場北永川榮昌瀘縣之交又西南出境經榮昌縣

地至鐵門坎入境折而西南爲五仙山北百二十里復興場西北門斗山北八十五里順江場北玉蟾山北七十五里石

龍場西北在沅水河中流者爲中山北七十五里龍洞場東渡河爲上白雲山北七十里龍洞場西北至牛

灘附近而隱沒其分支走於龍溪以東者爲龍洞山東北一百里立石站青獅場間神山東北八十里雲錦場西北

雲錦山東北七十里雲錦場五通場間四望山東七十里五通場太平場間漢古山東七十五里白雲場西郭璞山東四十餘里濱江近太平場高奎

山東二十里特凌場南走於龍溪以西者爲匯龍山北五十里雲龍場東聚峯山北四十餘里雲龍場西越坡山北二十里石

瀘縣志 卷第一 輿地志 山脈 一 久康鉛石印刷社承印

洞鎮西側陽高山北十八里奇場石洞鎮間大通山東十五里羅漢場東北歸子山馬鞍山鉢盂山五峯山均濱江近小市

又分走於龍溪以西者爲雪螺山西北四十五里來龍場官渡間寶峯山西北四十五里胡市北

五仙山 五峯聳峙遠望如仙人排雲出故名舊傳有五仙人弈棋於此石盤猶存

門斗山 山勢崩劣如列門屏故名

玉蟾山 山勢高聳橫亘佛寺踞其巔山下有泉泉中有大石狀類蟾波動如生好事者於巖畔鐫劉海像苔痕被體儼與蟾通明楊慎大書玉蟾二字石刻猶存

中山 屹立沅水河內砥柱中流故名

上白雲山 橫亘盤礴約十餘里東與玉蟾山隔溪對峙上爲治平砦

龍洞山 高聳特異麓有二洞扶梯而下內有石室溪水繞之

神山 出花石紋如葡萄可爲硯材上有古廟舊跡

雲錦山 上有古刹近建煙霞閣高凌霄漢

四望山 平地拔起四望空闊故名

漢古山 峯巒聳峙上有古廟名先天觀

郭璞山 上有古塚俗稱郭老墓譌為郭璞葬處

高奎山 山勢巍峨與州治對峙

滙龍山 山較四圍略高而晴日可望及百里之方山上有海藏寺有明萬曆三十五年鐵磬乾隆二十八年滙龍勝境石坊民國十四年改建人和砦遷寺於山麓

聚峯山 縣亘數里上為嘉祥砦

越坡山 上有廢砦

陽高山 山勢雄峻陽高寺在其麓

大通山 山勢高峻與高奎山對峙

歸子山 郡國志云州東三里歸子山相傳尹伯奇溺處舊志云伯奇投江後太師知其冤沿江大慟三日伯奇屍浮出山下葬之山後故名

馬鞍山 形如馬鞍

瀘縣志

卷第一

輿地志

山脈

一二

久康鉛石印刷社承印

鉢盂山 其形如盂

五峯山 五峯並峙故名舊有宿雲窩觀風亭諸勝

清王士正晨起渡江登五峯詩江郭曉煙合攜琴來五峯水容清滑笏山態

碧玲瓏雲樹孤城外風帆小市東重林迴望好下界一空濛附王士正蜀道驛程記十月初六日晨起與何

生許生登五峯泛小舟由海觀渡資江舟中四眺晨曦暎靄煙雲卷舒遠望諸山濃淡出沒江樓水市漁浦風帆歷歷可數至山麓輿而上兩生騎從穿小市居人百餘家負山映江蔬畦竹圃蒼翠彌望昔盛時為商舶輻輳之所

雪螺山 山形特起矗立如螺故名

寶峯山 一名聽祝山一名禱祝山左右二峯一名鏡鉢一名木魚巔有寺曰

寶峯寺

龍貫山脈自隆昌西南方來於嘉明鎮北之雲台寺入境為瀘與隆昌富順之

界山而山之大部皆非縣屬至伏龍北境為寶鎮山西北百又西南為龍貫山西北

百其在伏龍東境濱沔水河者為下白雲山西北六十里近興隆場

寶鎮山 山勢雄拔林木葱蔚中有古刹每年三月香火鼎盛

龍貫山 山勢高聳茂林蒼蔚傳明建文帝常幸此

下白雲山 上爲下白雲砦形勢天然

### 水道

江滙百川朝宗於海而瀘據江雒之會故全縣水道以江爲幹其次曰雒雒今之沱江也又次曰沔水河支流之多以沔水河爲最以次述之

江 源出青海經西康雲南號金沙江至四川宜賓與岷江會古曰外水元和志曰汶江唐人樂府曰玉輪江寰宇記曰瀘江元史曰馬湖江今通稱爲大江長江揚子江者是也自江安縣東西流入瀘納邊境又東入納谿境又東爲瀘納邊境石鴨溪西南來注之又東北入納谿境經納谿縣城永寧河南來注之折而北曹溪

東來注之入縣境石礮溪西來注之又拆而東北蘇溪西來注之又東北五渡溪西來注之又東洗脚溪南來注之又北繞縣城東澄溪西來注之又北滙沱江拆而東南漁子溪南來注之又東北龍溪北來注之拆而東南大河溪北來注之又拆而西南繞鐵瀘城下至灌口東走入合江界

## 瀘 縣 志

### 卷第一

輿地志

水道

一三

久康鉛石印刷社承印

明薛瑄瀘川古意詩三蜀古名郡瀘川古名州我來值殘暑偶此數日留新秋忽改節涼風漸颼颼逍遙散前除仰視天宇周征鳥去不息白雲亦悠悠佳人渺何許重林蔽層邱秋日復西邁大江自東流良辰不我與古道曠莫酬願聞韶華音行矣旋吾輶

清王士正江陽竹枝詞錦官城東內江流錦官城西外江流直到江陽復相見暫時小別不須愁一妾如江心黃龍堆江枯石爛長崔巍郎如治平寺中塔戎州西望忽飛來二江邊草色映春衫百五梨花葉葉帆齊到城南踏青去繫舟多在使君巖三

董新策瀘江舟發詩斜日清江起棹謳檣烏風定指南陬萬山一綫黔西路三十年來此再遊自注時有滇南之行

石鴨溪 源馬嶺蟬聯灣東南流曲折三十餘里繞大悲寺北經蕭橋至石鴨子入江

石礮溪 源於馬嶺牟嘴繞方山南麓曲折東流至石礮入江

蘇溪 源於方山東紅岩下東流繞華陽山南入江

五渡溪 源於龍船丘東北流繞黃織壩又東匯華陽山北麓小溪東至貞壽

橋入江

洗脚溪 源於藍田壩南得寧橋東北流繞黃桷坪至金雞渡入江

澄溪 在縣南門外源出寶山下南流入江 舊志戴馬謖溪源出州西寶山下相傳諸葛武侯征南蠻謖獻地圖屯兵溪上因名柳林溪在州北

資江口舊時夾岸皆柳故名按武侯征蠻並未經此溪之得名事甚不經柳林溪今不知何處

碧溪 在縣小市廂出碧山下入江

拙溪 在縣東北七里宋黃山谷過而墜馬自以為拙因呼為拙溪書二大字

於石 見名勝志

漁子溪 源於分水嶺山下匯古佛溪曲折西北流經潘村下匯南壽山麓之

梔子溪北流入江

大河溪 源於石馬場南流經毛善橋至浮溪洞東匯太平場溪水入江

沱江 岷江自灌縣東南別流行千八百里至瀘復匯於江之水也亦曰資江

瀘縣志

卷第一

輿地志

水道

一四

瀘縣久康印刷社承印

古號中水其異名曰湍水曰雒水曰綿水曰市榴江曰永平江曰中江曰內江  
自富順縣入境東北流至海潮寺彭溪南來注之折而南經通灘折而東米溪  
北來注之東北至胡市沔水河挾縣北諸巨溪來匯折而東南龍見溪長橋溪  
北來注之又東至縣城東北入江

宋劉望之沱江詩尙勝三年謫終慚萬里馴極知行路澀可忍在家貧歲晚  
沱江綠雲深錦樹新相思肯如月夜夜只隨人

陸游小市詩小市門前沙作堤杏花雖落不霑泥客心尙壯身先老江水方  
東我獨西翫憩軒窗仍汛掃遠游書劍亦提攜子規應笑飄零慣故傍茆簷  
盡意啼

彭溪 源於彭嘴南流經天堂壩梅溝至海潮寺入沱江

米溪 源於方山北龍口溝西流經玉帶橋集善橋合杜巖小溪東流匯况場  
外之楊柳河北流至天星橋合鎮龍山小溪至兩河口合送子橋小溪至剪刀  
石合雙星橋小溪曲折三十餘里至米溪寺入沱江

龍見溪 源於雙碑子西側之龍江河經萬壽橋西南流至雙壽橋匯永定橋  
溪水又西南至谷口蕩匯陽高山溪水又南流經觀音橋入沱江

長橋溪 源於徐石塔西南流經玉帶橋匯金鳳溪又西南至長橋入沱江

沅水河 源於安岳石羊場南流經大足榮昌亦名思濟河己卯志誤以爲思宴江自鄧灘

入瀘境洪河溪西來注之南經清江場天保砦泥溪東來注之折而西南象鼻  
溪北來注之又西南小橋溪東來注之至玉蟾山麓九曲溪北來注之折而南

鹿溪西來注之又南至瓦廠馬溪東來注之又西南經牛灘折而南至白雲  
山麓鹽水溪西北來注之又東南蒲溪東來注之又南至胡市入沱江

洪河溪 源於隆昌李市鎮山下東流至王河壩入瀘界經觀音巖至洪河口  
入沅水河

泥溪 源於榮昌至牛角灣入瀘界西南流繞鐵門坎山麓至泥溪子入沅水  
河

象鼻溪 源於官二嘴南流經灘子口至象鼻嘴入沅水河

瀘縣志

卷第一

輿地志

水道

一五

久康鉛石印刷社承印

小橋溪 源於桐子林中北流五里折而西順大山麓至小橋子入沅水河

鹿溪 源於木魚口經金剛橋梅子壩至雙河口合陳場溪水又東流經四馬

坎鐵鈴橋入沅水河

相傳明末游鹿溪率鄉兵與張獻忠戰死溪上故名

鹽水溪 源於韓婆嶺山下西南流匯瓦子鎮小溪折而東至下白雲山麓入

沅水河

蒲溪 源於蒲溝經陽關橋西流至三溪口匯松灘橋小溪又西匯趙岩橋小

溪又西經高洞至雞歇門入沅水河

馬溪 源於縣境東北角叫化岩流經白馬洞亦稱白馬洞溪至薄刀嶺山下

老鷹岩山麓入榮昌界至牛腦橋又入瀘境順大山麓西至石橋壩折而南紡

綫溪東來注之折而西南經金竹溪口洪安橋同安橋東來注之又西南楊河

溪北來注之又西南玉帶溪北來注之至曹市漏孔溪南來注之又西至毛灘

橋大觀溪北來注之又西老蠻溪北來注之又西白冷溪南來注之又西崔洞

溪南來注之又西至大烏灘兩河溪南來注之又西入沅水河

紡綫溪 源於田鋪西流經壩上馬灘楊四廟入馬溪

同安溪 源於通山寺山下西流經同安橋入馬溪

楊河溪 源於五仙山麓南流入馬溪

玉帶溪 源於馬蟻塘南流入馬溪

漏孔溪 源於打磨灘西流至韓河溝折而北經漏孔灘入馬溪

大觀溪 老鷹岩官山煤洞之水由大觀井湧出曲折南流入馬溪

老蠻溪 源於老蠻溝經山溝折而南入馬溪

白冷溪 源於濫馬溝西流匯大巖洞水又西經廟子山折而北入馬溪

崔洞溪 源於天生橋西流經五子蕩濃陰溝又西匯汪灘子溪水北至羅嘴

入馬溪

兩河溪 源於兩河口北流經平橋折而西北匯二層巖水又西北經牛兒沱

至大烏灘入馬溪

九曲溪 自隆昌流來至馬灘入瀘境雲頂山麓小溪西北來注之經嘉明鎮

瀘縣志

卷第一

輿地志

水道

一六

久康鉛石印刷社承印

折而南瓦廠溪東南來注之經雲霧場又南太和場溪水西來注之又南至玉

蟬山麓入沔水河

雲頂山小溪 源於雲頂山下順山麓西北流至馬灘入九曲溪

瓦廠溪 源於鄒寺東南流經啞峯巖雙鳳橋廣濟橋入九曲溪

太和溪 自江灣橋流來繞龍盤寺太和場又東流經沙河子至金銀巖入九

曲溪

龍溪 源於永川高山嶺至華嚴橋入瀘境又西合汪壩溪源於古佛寺冷洞溪源於磨子蕩

至三溪口折而西北至魚脊橋折而西南雲錦溪東來注之又西南周河溪北

來注之又西南鐵石溪北來注之至泥灣沱折而西雲溪北來注之又西至羅

乙卯折而南石龍溪東來注之又南沙灣西來注之至龍馬潭折而東南入江

雲錦溪 源於雲錦場外西流入龍溪

周河溪 源於周河溝西流匯高陞橋溪折而南匯彰德橋溪南河堰溪又南

經鐵壚灘金罌橋入龍溪



鐵石溪 自鐵石溪曲屈南流繞九龍山麓入龍溪

雲溪 源於左洞子東南流經朱眉灘至雲龍場匯姜河壩溪水又南至小橋子入龍溪

石龍溪 由石龍灘流來匯積善溪水折而西經下白思橋入龍溪

沙溪 源於沙河子西流至高山鎮折而南繞石洞鎮又折而東南至龍川嘴入龍溪

大鹿溪 自永川西南流至瀘永橋入瀘界折而東南至好音山麓俗呼老鷹山折而

西繞土主場折而南至柏木灘龍川溪西來注之又折而東經皂角灘觀音灘

高洞馬灘至門坎灘石卯溪南來注之東流入江津界至朱家沱松溉間入江

龍川溪 自龍川壩南流經老漁灘漏孔灘折而東匯理此橋溪水又東至柏木灘入大鹿溪

石卯溪 自四望山麓東南流經沙灘子兩岔河匯石橋子小溪又東至三河口匯儉溪折而東北入大鹿溪

瀘縣志

卷第一

輿地志

水道

一七

久康鉛石印刷社承印

儉溪 源於合江龍馬池東北流至三河口入石卯溪舊志載儉溪未詳所在

疑卽此 清湯燦儉溪記萬物莫奢於水為江為河為湖為海為瀦澤為沼沚為潦為滂所見無非水者水之為物誠奢矣哉或謂造物忌奢久矣而獨縱於水豈其德足以任奢歟抑無其德自肆而莫之禁與曰是不然合天下之水以言水水固奢矣就一水以言水則安知乎瀦岷岫出星宿者之不為儉耶予嘗執是說以名其溪曰儉蓋以從我也夫以余之飯糗飲濁飽則嬉然醉則冥然或時披襟選勝以自適於煙嵐往復之間其命以儉也固宜茲亦移之以名溪何哉物不可以無名而不可強之以無有苟非吾情之所屬雖血氣之倫猶漠然遇之如見其情卽一木一石足以得吾性之所近而况溪乎彼汨然而來泓然而靜若無慕於浩瀚之觀者溪殆有儉德焉孔子曰與其奢也寧儉將以云救耳泛引而論予與溪有一待矯而不出於自然者乎故皓口流霞微風出響溪有之余得而有之脫帽洗足狂歌促詠予任之溪得而任之古所稱君子之交者是耶非耶然使好事者遇此必伐其深闢其奧引為流觴疏為池沼以為庸俗八之所適則固流於奢而不得全其天安得非是溪之不幸也既以名溪復賦所得於溪者次焉

大橋溪 源於董允壩東流入合江界折而北經大橋場入江

蔡溪 沙坎場南諸水匯合經蔡橋東流入合江界注赤水河北流入江

雙溪 源於鼓橋銅蓮兩山間至雙溪橋二水匯合東流入合江界經堯壩場匯野蘭橋溪入赤水

河注大江

納溪 卽永寧河源出叙永南境北流自觀音沱以下出入瀘納邊境又北匯

花背溪又北入納溪界匯胥溪西北流至納谿縣西入江

胥溪 自合江界匯金花山分水巔兩溪水北流入瀘境經一塊橋又北匯九

龍溪

源自老鷹石岩下

二郎溪

源自叙永大田口分水嶺

白節溪

源自大旺場北椒子林

端公溪

源自大帽山下

諸水又北龍潭

溪東來注之又北高洞溪東來注之折而西入納谿界

注永寧河西流入江

龍潭溪

源於利和場外山下西流納小鼓樓翠屏山諸澗水折西北匯梅子

橋溪水繞大南山北麓入胥溪

高洞溪 源於插耳巖西流經豐樂場北至高洞場入胥溪

曹溪 俗稱倒流河源於分水嶺南李子垵西之洗馬蕩西南流匯永定橋溪

水折而西繞龍車山北又西滾龍溪北來注之又西至大橋入納谿界

於二繼梁入江

長灘壩溪 有二源南源在中心場西萬壽橋經雙渡橋至龍井橋西源在隆

興寺經渡關橋至龍井橋合流入富順界

折而東北至長灘壩入沱江

漕溪 一名上漕河源於韓田舖南流至鐘口蕩匯黑水蕩小溪又南經沙灘

禮神灘魚筓灘至雙河口徐溪西南來注之又南入富順界

繞安懷砦至懷德鎮入沱江

徐溪 源於楊溝東南流經對甲蕩起鳳場至雙河口入漕溪

關寨

### 瀘縣志

#### 卷第一

輿地志

水道 關寨

一八

久康鉛石印刷社承印

永安關

在縣北小市廂

半壁關

在縣北七里俗呼關口舊志載前代石刻有千山歸一鏡半壁抵千夫之句通志誤作半邊關

玉蟾關

在縣北七十里玉蟾山

雙鎖關

在縣南七十里大小鼓樓之間

一塊橋

在縣南一百十里白節灘之南

大田口

在縣南一百十五里白節灘西南

以上關

安全寨

即大巖寺東北五十里近楊九場

忠孝堡

即玉皇觀東北三十里近新溪子

天全寨

一名隆慶寨又名羅寨東北七十里近雲錦場

以上

安賢

太平堡

即太平場東七十里

九如村

即青龍場羅姓建修東北八十里五通場北六里

安吉寨

即東林觀東北八十里五通場南四里

白雲

寺寨

黃劉二姓創修東北九十里立石站西北十二里

高峯寨

即元通寺戴姓創修東北百里立石站西北十二里

普賢寨

俗名普照寺艾姓就前鶴山書院地址創修東

北百里立石站北十一里

以上鳳儀

昌平寨

即鼓樓山原名利和寨清咸豐四年貢生許朝儀等建又築小鼓樓與昌平毗連東南八十里利和場南二里寨之南部為合江界

股友寨

民國二十年楊百駢等建在彌陀場中興場間

東六里

以上崇義

大南山寨

南六十里豐樂場西南

金鳳山寨

南五十里大里村北

大里村寨

南八里

天臺寨

南八十里大里村西

三華山寨

南百里白節灘南

以上忠信

泰安寨

地名老鷹嘴瀨沱江車姓所建今分為上下寨西六十里通灘西北

羣清寨

在魚項巖上宜羣宜清兩團所建西三十里和豐場西北一里

三和寨

即黃巖西七十

里通灘西北

鳳翔寨

即毗盧寺西六十里通灘西六里

福安寨

即黑雲寺西七十里通灘西十五里五之三屬富順境

清平寨

原名釋迦寺咸豐九

年貢生歐維馨築土爲寨後  
易以石更今名西九十里

鎮龍山寨

潘幼棠建西六  
里中心場東

杜巖寨

西六十五  
里況場西

安吉寨

安固寨

方山頂嘉慶五年蕭士倬建修名安全寨咸豐九年陳超然重修更今名西四十五里況場南八里

聚良寨

十里華  
陽山麓

迴龍寨

忠和寨

即鷹嘴巖西南四十  
里石礮大悲場間

忠武寨

西南六十  
里

古

佛寨

民安寨

龍安寨

三家寨

地名高山廟  
里人方姓建

石岡

巖寨

以上宜民

三緣寨

西北六十  
里近官渡

下白雲寨

建自清嘉慶間咸豐時楊柳生熊海珊  
等募金改建西北七十  
里近興隆場

清

和寨

即天保寨近朱家  
坪西北八十里

萬全寨

民國八年詹雲渤張治三等  
募建西北八十里近徐場

金銀巖寨

民國九年余匯川等募建  
西北九十里近懷德鎮

太平寨

天成寨

即趙巖同治間建西北  
九十里瓦子鎮西南

全安寨

即石魚山同治間李式菴等  
募建西兆九十里近瓦子鎮

志成寨

即伏龍山民國八年游硯湖  
等募建西北百里中興場北

以上伏龍

寓龍寨

即游方廟民國二年潘世  
煒建北九十里近清平場

一心寨

即陽哲寺民國八年張其倫  
等建北八十里牛灘西北

治平寨

即上白雲寺北  
八十里牛灘東

天全寨

即冒臺石北六  
十里牛灘南

清寧寨

即西曇菴民國五年劉朝輝  
等建北四十里來龍場北

敦和寨

即鑽天坡西北  
三十里胡市北

以上會文

天恩寨

即朝場寺咸豐十一年藍琛  
率衆建北九十里福集場西

天緣寨

光緒初年建  
天恩寨北

天保寨

即急湍咸豐時屈姓建  
北百二十里近方洞

瀘縣志

卷第一

輿地志

關寨

一九

久康鉛石印刷社承印

均安寨

即喻寺場光緒元年劉定元胡  
祥口等率衆建北百二十里

雍陸寨

即通山坡民國四年建  
北九十里太和場南

清和寨

即啄啄山民國四  
年建北一百里太

和場

親睦寨

半屬隆昌北百五  
十里嘉明鎮西北

太和寨

半屬  
隆昌

清寧寨

民國九  
年建

地利寨

民國九  
年建

以上衣口

嘉祥寨

即羅基坎原名聚峯山咸豐四  
年貢生許朝儀建北四十里

人和寨

即海藏寺民國十三年陰懋功  
建北五十里雲龍場東三里

永清寨

即楓口咸  
豐十一年

程泰亨建北五十五  
里雲龍場北五里

中興寨

即宋觀場同治二年穆天澤建舊志作  
忠清寨民國元年易今名北七十里

靈臺寺寨

原即靈台寺民國元  
年先張程王四姓建

修北七十五里  
宋觀東北八里

石營寨

即石營山民國元年王世權建  
北七十五里順江場西南八里

永安寨

即奇峯場咸豐十  
年建北七十五里

萬安寨

即二  
甲巖

咸豐十年貢生張耀奎募築萬安大寨未成十年縮建小寨又築老  
鷹嘴新寨同治十年張小渠添築腰寨北八十里奇峯場北七里

以上麟現

萬全寨

即黃石巖東北百四  
十里毗盧場東北

永清寨

即王巖光緒初建東北百  
二十里仙佛場南一里

平安寨

即曾觀東北百十  
五里中興場南

德安寨

即楊柳坪又稱三股椿光緒元年建  
東北八十五里玄灘場東南十里

保和寨

即石頭寺民國五年建東北  
九十里玄灘場西南十二里

寶賢寨

即  
寶

藏場民國十三年  
改建東北七十里

人和寨

俗名石神廟民國十三  
年建距萬壽場十里

天一寨

民國十三年建距  
寶藏場十二里

保安村

俗名黃  
葛巖距

復興場

萬壽場寨

民國十  
三年建

同安寨

距喻坪  
場二里

以上里仁

楊四殿寨

距玄灘  
場十里

觀音閣寨

清同治時建距  
萬壽場三里

吉祥寨

即月坡山石  
洞鎮南一里

天生寨

在玉蟾關左  
咸豐四年華

國清李時  
燧率衆建

天保寨

即大茅坪在  
玉蟾關右

人和寨

即古  
佛山

永安寨

即椅  
子山

天申寨

即鬥  
山

安懷寨

即桐子林 觀音寨 即趕坪 草帽山寨 雞公嶺寨 薄刀嶺廢寨 東北百四十里寶峯場北 紅魚塘

寨 五福寨 即五佛場一名丫峯巖喻家寺西北 雲錦山寨 原名仁壽寨又名天保寨土石不佳水亦缺乏 太平寨 即象嶺菴 以上清

時建寨今已廢

綏遠寨 舊志云在州東初屬武都城宋宣和初入州 博望寨 舊志云在州東南二十里南壽山宋神宗熙甯中置 棘道寨 舊志云在州南二十里東漢時征蠻屯兵處

五獲寨 石盤寨 暗溪寨 盤山寨 舊志云上俱見元更 羊羝寨 舊志云在州境治平二年廢 白芳

寨 舊志云宋皇祐初益州田况發白芳弟子討叛夷是也元豐二年廢 大洞寨 舊志云宋元豐三年置旋廢 以上古寨除博望寨可考外

餘皆不詳所在

鎮鄉

舊志載明時瀘州編戶六十七里清初編戶三里雍正七年編為十鄉其名稱為宜民伏龍會文麟現衣錦里仁安賢鳳儀崇義忠信然麟現匯龍山海藏寺有明萬曆三十五年鐵磬上鑄有大明國瀘州衣錦鄉會龍山川主廟神磬等字是十鄉之名不盡始於雍正時其疆域亦不相同因革損益之述不可考矣二百年來十鄉之名特著疆域亦無大變更宣統二年改為十鎮尋改為十一

瀘縣志

卷第一

輿地志 鎮鄉

二〇

久康鉛石印刷社承印

自治區依中東南西北之次第為城廂安賢鳳儀崇義忠信宜民伏龍會文衣錦麟現里仁

城廂包括縣城及小市略當全縣中央而稍偏於南江沱交匯舟車輻輳不僅

一縣首善之區亦蜀中南服之重鎮也面積一百五十五方里屬團二十七場

一

小市 在沱江北岸場期三六十

安賢當縣城東北東界鳳儀西界麟現南北俱界里仁東南隔江與崇義相望

西南亦有小部濱江地勢平衍面積約一千八百三十方里屬團十四場七

特凌場 土名德龍鋪距城二十里場期三六九 兆雅鎮場 距城四十里場期二五八 石馬場 以場後石馬得名距城五十七里場期三六十九 雲錦

場 以雲錦山得名距城七十里場期二五八 青獅場 土名五家坡距城八十五里場期一四七 楊九坎場 距城五十里場期二五八 新溪子場


距城三十五里場期一四七

鳳儀據縣城東北東界永川江津西界安賢北及西北界里仁東南界合江西

南濱江與崇義為界地勢平衍南北長而東西狹面積二千三百方里屬團二



# 瀘縣城區街道圖



圖例

◎	寺	▲	田	○	河
□	縣政府	△	園	○	橋
○	公所	△	墳	○	碼頭
○	法政	△	塚	○	油
○	中學校	△	墳	○	坊
○	小學	△	墳	○	坊
○	郵局	△	墳	○	坊
○	工廠	△	墳	○	坊
○	井	△	墳	○	坊
○	井	△	墳	○	坊
○	井	△	墳	○	坊

十四場十一

立石站 明史作立市站距城九十里場期一四七 涂家場 距城八十里場期三十七 土主廟場 距城九十里場期三十六 萬壽場 距城九十里場期

二五 五通場 距城八十里場期一四七 萬定場 距城八十里場期三六 白雲場 距城九十里場期二五八 新路口場 距城七十里場期二五八

太平場 距城七十里場期三六九 伏龍場 土名雷劈石距城七十里場期二五八 五里場 距城七十里場期一四七

崇義當縣城東南東及東南界合江西南界忠信西北隔江與宜民城廂相望北部濱江與里仁安賢鳳儀為界地勢北部平行自分水嶺以南迄於鼓樓山層巒疊嶂愈南愈高面積二千五百八十方里屬團十七場七

永興場 即藍田壩古名玉川鎮距城十里場期一四七 泰安場 距城二十里場期三六九 中興場 距城五十里場期二五八 彌陀巖場 距城六十里場期三六九

分水嶺場 距城五十里場期一四七 沙坎場 距城八十里場期二五八 劉石場 距城八十八里場期三六

忠信據縣城正南東北界崇義東南界合江南界叙永西界納谿西北濱江與宜民為界地勢北為平原西南則大里村之高原也面積三千七百三十五方里屬團二十七場七

豐樂場 土名牛背石距城五十里場期二五八 白節灘場 距城九十里場期一四七 登山場 距城一百里場期二五八 樂道場 距城九十里場期一四七

瀘縣志

卷第一

輿地志

鎮鄉

二一

久康鉛石印刷社承印

龍車山場 距城五十里場期三六九 利和場 距城八十里場期二五八 大旺場 距城九十里場期三六九

宜民據江沱間當縣城正西東接城廂東南隔江與崇義忠信為界南據江與納谿地犬牙相錯西界江安西北界富順北以沱江與會文伏龍為界地勢除中部之方山華陽山外餘概平行面積二千八百三十七方里屬團二十四場

九

况家場 距城五十里場期三六 大悲寺場 距城七十里場期二五八 石礪鎮場 距城四十里場期一四七 和豐場 土名連雲洞距城二十里場期

二五 通灘場 距城六十里場期一四七 馬嶺場 距城七十里場期二五八 中心場 建自民國十二年距城七十五里場期二五八 石峯山場 距城

九十里場 九橋場 距城一百十里場期一四七

伏龍據縣城西北東界會文西包富順南以沱江界宜民北以小部界衣錦隆昌地勢除西北境天洋坪龍貫山等連山與富順為界外餘概平行面積二千一百七十七方里屬團十四場八

高店鋪 距城五十五里場期四七 海潮寺場 距城六十三里場期二五八 興隆場 土名沙包場距城七十里場期四七 朱家坪場 距城八

期三 瓦子鎮場 距城九十里場期二五八 中興場 距城九十里場期四七 大凹場 距城百二十里場期三六九 天洋坪場 距城百里場期二五八

會文據縣城北西南北長而東西狹東界麟現西界伏龍北及東北界衣錦南接城廂又隔江與宜民相望地勢沔水河橫貫本鄉中部玉蟾山脈渡河繞北岸起頂爲上白雲寺稍有起伏餘地概平衍面積一千九百七十四方里屬團十五場八

奇丫場 距城十里場期二五八 來龍場 清咸豐中設距城三十里場期二五八 金龍山場 距城五十里場期二五八 牛灘場 距城七十里場期三

六清平場 土名新場距城九十里場期四七十 龍洞場 距城七十里場期三六十 官渡場 距城五十里場期一四七 胡市場 距城四十里場期三六九

衣錦爲縣境極北之區北及東北界榮昌東南以桐子林連山界里仁麟現西南界會文西以一小部界伏龍西北以親睦寨雲頂寨連山界隆昌地勢除東南西北境上有平行之兩大山脈外餘爲沔水河九曲溪灌域甚平衍面積三千零五十四方里屬團十四場九

福集場 距城八十里場期二五八 石岡山場 距城八十里場期三六九 雲霧場 距城百里場期二五八 興隆場 距城百三十里場期二五八 喻

家寺場 清康熙中因寺創設距城百二十里場期一四七 觀音場 卽方洞清道光二十七年設距城百三十五里場期三六九 雨壇寺場 民國二年因寺創設距城百四十里

場期三六九 嘉明鎮場 距城百二十五里場期三六九 太和場 距城百里場期一四七

### 瀘縣志

#### 卷第一

輿地志

鎮鄉

一二

久康鉛石印刷社承印

麟現當縣城正北東北界里仁東南界安賢南以一小部接小市西界會文西北界衣錦地勢平曠南北長而東西狹面積二千零三方里屬團二十場十二

石洞鎮場 以場後石洞得名距城二十五里場期一四七 雙碑場 原係雙碑鋪清同治二年設場距城四十里場期三六九 得勝場 卽古林坎驛距城六十

石龍場 場後石出如螭頭故名距城六十八里場期一四七 宋觀場 距城六十五里場期二五八 順江場 土名破橋距城七十 曹市場 距城八十

里仁據縣城北東東界永川南界鳳儀安賢西界麟現西北界衣錦北界榮昌又羅漢場一部當縣城東面北包安賢南倚江曲而對崇義地勢除北境山脈外皆爲平原面積三千零三十方里屬團二十一場十一

玄灘場 舊志作懸灘子場距城百五里場期二五八 中興場 距城一百十里場期一四七 仙佛觀場 又名仙女觀清光緒十六年設距城一百八里場期二五八 毗盧

寺場 清乾隆時設距城百二十里場期三六九 寶峯寺場 距城百四十里場期二五八 石橋場 距城百二十里場期三六九 復興場 民國十六年移新盛場改設距

城九十七里 萬壽場 土名萬子坪距城八十二里場期二五八 喻坪場 清光緒二十三年設距城八十二里場期一四八 寶藏寺場 距城七十里場期二五八

六羅漢寺場 距城十五里場期二五八

九羅漢寺場 距城十五里場期二五八

場期一四七

場期一四七

場期二五八



民國二十三年劃分全縣爲四十二鎮鄉茲表列其區域名稱如左

名稱	原屬	公所所在地	區域
名 稱	原屬	公所所在地	區域
中城鎮	城廂	專城街	縣城小市
特兆鎮	安	特凌場	特凌場兆雅鎮場
楊九鄉	安	楊九場	楊九場
雲石鎮	賢	雲錦場	雲錦場右馬場青獅場
新溪鄉	賢	新溪場	新溪場
立石鎮	鳳	立石場	立石場涂場
土主鄉	鳳	土主場	土主場
太平鎮	儀	太平場	太平場白雲場新路場伏龍場五里場
五通鄉	儀	五通場	五通場萬定場
藍田鎮	崇	藍田場	藍田場太安場
彌陀鄉	崇	彌陀場	彌陀場
分水鎮	義	分水嶺	分水嶺沙坎場
中興鄉	忠	中興場	中興場
白節鎮	忠	白節灘	白節灘大旺場
樂道鄉	忠	樂道場	樂道場登山場
豐樂鎮	信	豐樂場	豐樂場利和場龍車山
鄰玉鄉	信	鄰玉壩	鄰玉壩 <small>俗名水梨壩</small>
通灘鎮	宜	通灘場	通灘場中心場九橋場石峯場
況家鄉	宜	況家場	況家場
大悲鎮	民	大悲場	大悲場石棚場馬巔場
和豐鄉	民	和豐場	和豐場
瓦子鎮	伏	瓦子鎮	瓦子鎮朱家坪大坳場
天興鄉	伏	中興場	中興場天洋坪
海潮鎮		海潮場	海潮場高店場

瀘縣志

卷第一

輿地志

鎮鄉

二三

久康鉛石印刷社承印

興隆鄉	清平鎮	牛灘鄉	來龍鎮	胡市鄉	觀音鎮	喻寺鄉	福集鎮	嘉明鄉	石洞鎮	雲龍鄉	宋觀鎮	奇峯鄉
龍	會	會	文	衣	錦	麟	現	仁	里	羅漢鄉	寶峯鄉	毗盧鎮
興隆場	清平場	牛灘場	來龍場	胡市場	觀音場	喻寺場	福集場	嘉明場	石洞鎮	雲龍場	宋觀場	奇峯場
興隆場	清平場	牛灘場	來龍場	胡市場	觀音場	喻寺場	福集場	嘉明鎮	石洞鎮	雲龍場	宋觀場	奇峯場
	龍洞場	金龍場	宮渡場	奇丫場	興隆場	雨壇寺	太和場	嘉祥鎮	嘉祥鎮	永壽場	得勝場	曹市場
								雙碑場	雙碑場	順江場	順江場	觀音場

瀘縣志

卷第一

輿地志

鎮鄉

二四

久康鉛石印刷社承印

二十四年八月分全縣為六區成立區署改鎮鄉公所為聯保辦事處其名稱

區域如左表

名稱	區署所在地	區域
第一區	文廟街	城廂
第二區	豐樂場	忠信崇義
第三區	太平場	安賢鳳儀
第四區	福集場	衣錦里仁
第五區	石洞鎮	麟現會文

壇廟

孔子廟 瀘故有孔子廟在州郭之北唐咸亨中建宋元祐五年徙州南景泰及開禧初知州魏了翁先後修葺明萬厯初知州趙大侁重葺四十二年知州岳具仰增修崇禎初學使何閔中知州李長年增建規模大備尋燬於兵僉事吳登啓知州劉兆鼎草建清順治十八年副使紀耀知州何啓鵬余繼益等重葺康熙三十八年知州張弘毅改建州南大街殿南向門東出四十三年署牧李繼鈞學正高之傳增建四十七年知州張士浩增修乾隆十三年參政樊天游署牧胡觀海增建改門南向二十一年知州夏詔新徧加修葺道光九年知州吳友箎遷今所後建崇聖祠旁建東西兩廡及鄉賢祠名宦祠兩祠於明嘉靖十七年詔祔文廟清因之前建戟門泮池園橋櫺星門德配天地坊道冠古今坊制更崇閱民國八年及二十三年均加修葺

宋魏了翁重修州學碑記瀘故有孔子廟在州郭之北唐咸亨所建也迨慶

瀘縣志

卷第一

輿地志

壇廟

二五

久康鉛石印刷社承印

歷四年詔州縣興學爰始除舍以羸生徒元祐五年徙廟學於州南紹興中始置教授白崇寧訖嘉泰雖三厯繕修然今既三十年矣某起家守瀘以故事謁先聖先師堂序將若壓焉則撤而新之前端門術後建齋寢左右列從祀位又念廟學不可混也更建東西序築師生之館於外尊壘爵洗故以梓今範金爲之凡三百一十爲有司製冕服諸生製衣幘役未既會某以君命召士曰公無一言以告我乎某對曰吾幼而學之孔孟之道也壯而欲行之卒不與事儷今願竊有告焉且古者國子舍於王宮教於師氏而時會於大司樂以習誦弦以學樂舞萬民居於比閭教於塾師而時屬於州序以授教法以正齒位皆非常廩之士也自漢景時文翁爲蜀郡守立學宮置左右生而郡國養士始此古者以有道有德者教國子父師少師教於閭塾蓋禮所謂鄉先生國人所視爲矜式者故於射飲則爲尊自鄉治廢而教治壞至新莽始於學校立經師繇是相承有郡文學州博士之等迨我慶曆設教授之官始也猶聽舉人自擇熙寧以後命於朝廷命於吏部則皆聽之資格以古

者有養老乞言有旅酬合語蓋學校公論所出也自春秋至二漢此意尙存迨其後也規約日繁禁防日密至蔡京專國則憲禁申令如謗訕朝廷如造爲飛語皆坐首罰至於今未之改也雖然此特學制之變耳其如廟制則滋異昔聞古者視祭享之別不相僭瀆未有非鬼非族而可以言廟不尸不厭不嘏不綏不旅不繹而可以言享也魯哀公十七年立孔子廟於故宅閱千餘載未嘗出闕里也漢儒所謂立學釋奠未知先聖先師爲誰自戴記之外無聞焉迨魏齊王晉武帝釋奠於學雖昉見史冊而未有原廟也唐武德二年廟周孔於胄監迨貞觀定以孔子爲先聖而黜周公於是牲牢器幣日增月盛無異廟祧之祀矣古者弟子之於師子孫之於父祖尊之而無以加也則稱字以別之字之至貴漢初猶然而新莽不知仲尼之爲尊也妄爲作謚然宣尼之云未敢削其字也至追崇之典代增則以纍謚爲重王封爲貴矣古者惟功臣與享大蒸未聞弟子從祀於師也自建武祠七十二子於孔廟然亦不出闕里也貞觀末加以左卜諸儒從祀太學而武成王之祠亦倣而瀘縣志

食車服器皿亦無一而不改先王之舊舉世由之不以爲疑也使於是時又不爲之建學立師示之以五三六經之準的則生民之類幾何而不胥爲夷也然則學盛而員廣廟隆而祀繁其殆進於異端日熾大道寢微之時乎士復請日記學校者多矣而不及此亦曰生斯世也而必古制之是不且迂乎曰吾固知古之無益而不可以未之聞也千百年間習焉不察以郡縣之制視邦國以塔廟之儀曰庠序以羌戎之教釋聖言今日無益而未之聞也是孰爲有益乎乃次第其說勒諸學宮以諗同志相與敷求墜典搜索遺言期紹昔聞開來哲爲萬世建長治之策嗚呼其無有聞風而興起者乎

宋魏了翁重修州學碑記瀘故有學在州治之北自淳熙中帥守某嘗撤而新之僅歷三紀蠱壞勿治州守李君燾與貳守王君翥嘗議更葺且病其門閤弗正也爲審端焉各捐錢二十萬市材于龍湖渝戎之間旣賦文鳩功會李君召去余適來乃與王君卒其事各增錢千萬始嘉泰三年之六月訖開禧元年之五月禮殿講堂齋館門序次第一新而雲章有閣從祀有象先賢

瀘縣志

卷第一

輿地志

壇廟

二七

久康鉛石印刷社承印

有祠文章有所值宿有舍以至庖湑筯庫黜堊陶甃率視舊加隆役成帥士者修舍萌之禮余又念堂曰明倫而無以訓迪之也乃摘六經語孟切於倫理者凡八條大書深刻而壁置之都人士謂是役不可無紀也以惟予也請顧某不佞何足以與乎此雖然嘗聞之斯民也三代之所與共學者也然而古今異俗則亦有幸不幸焉三代建學立師之制於周爲詳今周官所述惟大司樂成均之法師氏王宮之教鄉遂屬民讀法之節而他未有考焉參之諸書則自廿五家之閭爲塾以里居之有道德者爲左右師所以合國人子弟導以幼學之節而養其良知之本由是升之黨庠升之國學不特王公大夫士之子也鄉之俊選莫不咸在不特小樂正教以威儀也大樂正迪之以禮義不特齒及賓介也郊人之疏賤亦取爵於堂上之尊以相旅不特三歲而按比也中年而校其進否不特六卿興賢也自遂以降至三等之國亦如卿制蓋曰天之生斯民也仁義禮智之性父子君臣夫婦長幼朋友之倫民所同有也而行之不著習矣不察是故立之后王君公承以大夫師長建之

學校庠序則所以爲之耳目導其所嚮使充是四端行諸五典有親有義有別有序有信而無不盡其分焉是先知先覺者之責至重而不輕也又慮其篤近而遺遠詳貴而略賤也則聯以井牧畫以比閭合以鄉射考以節授盈天地間無一民尺地不相屬焉夫然故民生其時出入有教動息有養所謂人有士君子之行者非虛語也自上失其道莫知所以君之師之上以權謀利祿爲操世之具下以揣摩迎合爲取寵之資於是小有才者捷出居近利者速化至科目之設則士自童習已有計功求獲之志而俗日以卑其間豈無不待文王而興者然不能皆爾而况小有才則溺愈深居利近則壞愈速記覽而謂之學詞采而謂之文虛無而謂之道襲訛承陋不自覺甚者則有口談儒術心是異端者焉夫后王君公大夫師長學校庠序本所以爲時人之耳目使之有廣居可居正位可立大道可行也而千百年間爲之耳目者反有誤其所習俾之曠安宅舍正路倒行逆施佹然無所歸蓋至於本朝之盛諸儒迭出正學中興然後士識所趨知有人已義利之辨然而二百年

瀘縣志

卷第一

輿地志

壇廟

二八

久康鉛石印刷社承印

間篤信而力行者猶可枚數則以濡染之久自奮維艱嗚呼生於三代者何其幸耶周始於后稷夏商終於杞宋皆二千餘年有國聖賢後先治化休盛明倫立本其效固若是而春秋以下亂浮於治士鮮常心則爲人耳目者亦嘗思其故乎瀘地雖陋上領戎叙下接巴渝士之學者自先漢之初已能駕齊魯故古誌謂瀘俗好文雅又重以太師吉甫文武憲邦之忠伯奇援琴履霜之孝其所熏漬質實而近本土生其後理義精明乃牧乃監相與爲之耳目以導之使趨然則如前日所謂揣摩迎合爲利祿計者士既知所恥矣則反其生之所自有盡其分之所得爲士亦知所自勉哉開禧二年七月壬申記

明王藩臣學田碑記州大夫岳公具仰治瀘之二年民恬士淑訟息風清惟日詣學宮與博士弟子員講道論學津津懇懇如也嘗慨學制多所頽缺爲增修其垣墉而堊輝之櫺星門左畔有八角樓屹峙據勝者亦纍木其中使無傾欹八窗門梯皆備而學宮成一鉅觀矣歷發民樂捐田共計四分歲可

得租二十四石有奇實諸廩資士饘粥此嘉惠之大凡也時公以入覲行廣文蔣振先與其生徒閔效孔等思紀其事以昭久遠而徵文於余余度不可辭則亦就事論事鳴其以儒術庀國事不爲俗吏已矣公固關中名獻能永其先大夫之賢且思罄展之其爲政挺勁不撓可與薄雲霓撼金石而揆情合度嘗近易以親其田畷之孱魯者性復至潔清纖垢不染嘗見其輕舟遊燕行李一肩左右列蘭桂二三行如是而已瀘素多黠役自公之來皆水竄穴奔無敢入市今在官者率羸尫僅僅持槩戟於是窮鄉婦子羣高枕而頌生成矣語曰有內觀者必有外樹公維學得本元故能以其真神自治以其餘緒治人新巒宮而養髦士固其措治之一端也而意念深矣是豈徒誦遺經塗治迹囂囂然誇詡一時者哉廣文蔣振先等皆躉余言曰以是頌公政不必備也而未始不備也遂筆之使刻焉萬曆四十二年十二月吉日記

清董新策修學宮碑記三代而降隋唐詔天下都邑皆立學歷宋迄明其制愈備國朝肇造大定之初首興學校四海翕然迨我皇上御極以來數幸闕

里親行釋奠手製贊序頒行郡縣學宮凡聲教所達之區莫不尊師而重道考古學校之隆誠未有若今日者也瀘爲蜀望郡素稱人文淵藪歷代學宮鼎盛自罹獻寇荼毒之後基址屢遷規制未備雖曰時勢使然抑亦從前當事者視爲不急之務遂致禮樂文獻之邦曾山陬海隅之不若焉康熙甲申歲大中丞能公來撫全蜀孜孜以教化爲先務榮邑侯李公諱繼鈞以材遴選委署瀘篆視事初謁先師廟見大成殿三間學門一所餘悉荒茂草風雨不能蔽瞻拜之頃憮然長嘆於是謀諸司鐸詢諸僚吏捐俸首倡鳩工庀材以郡人士之老成俊傑者董其役不百日而告成前立兩廡巍然宏敞諸賢神位設立如次中築石壇可容百人進退拜獻得以展儀後立明倫堂俾諸生以時講業其中周圍以牆牆內隙地可植松柏千章秩秩乎爲一郡大觀矣予思古者致治之盛衰每視學校之興廢凡名臣卓吏宰牧方州措置設施鮮不以此爲急急而後世粉飾吏治者馳逐虛名謹守簿書者矯語清靜求其知所先後綱舉目張豈易觀哉况署篆瓜期有限卽抱精明強幹之才

或亦阻於勢之無可如何侯下車至今甫四閱月乃卓然自任聿觀厥成以此見天下有可爲之人斷無不可爲之事而大中丞之知人善任侯之能仰體化成胥於是焉得之際茲盛舉予安敢以啞文而重違郡人士之請耶康熙四十四年乙酉孟夏閏月二十二日記

清夏詔新增修學宮碑記古人言三代之學由秦廢蜀郡之學由漢興而天下之學由蜀起瀘故蜀名郡也學校之設其來已久宋開禧中魏鶴山先生以醇儒蒞瀘先後兩爲之記用意勤懇有如文翁歷元迄明碑碣纍纍然燬於兵其遺址俱不可考矣國朝康熙己卯自城南卜遷今所脈分寶山之右雄甲通郡而前逼民居門東殿南觀者失望乾隆卯辰間監憲吳門樊公率前署牧胡諱觀海謀正厥位乃買地闢門建櫺星鑿泮池次第且就理而迫於金川之役倉荒告竣其他多未遑也歲丙子予奉命來牧是州每朔望觀學環視周遭見宮牆之卑圯門欄之欹陋瓦石之腐落神位之黝闇待葺者無算而崇聖祠及東西兩廡規模湫隘材木俱朽殘不稱敬所尊而愛所親

瀘縣志

卷第一

輿地志

壇廟

三〇

久康鉛石印刷社承印

之意臥碑久豎於祠右位置亦謬監憲長洲王公謂民風必先士習學校之不治守土者之責也爰諮予以修建又得同事吳君張君暨學博龍牟兩君相與荒度經費較量夫役寬之以時日而勤之以人工始事於丙子之秋葺功於丁丑之夏然後祠廡臥碑悉如厥制而向所謂卑圯欹陋腐落黝闇者胥移而易之撤而新之熒煌堅緻鬱然可觀矣是役也不可無記而假手薦紳先生則又往往鋪張揚厲作當官者紀功頌德語予甚羞之用是諗於衆曰朝廷右文重學慎簡師儒所以玉女於成者豈惟弄筆墨徼利達己哉昔范文正公爲秀才時卽以天下爲己任曾不居道學之名而有道學之實今頒行書籍自經史以及性理俱存貯學宮諸士子相與誦而習之處則有守出則有爲經術治術一以貫之斯乃監憲所爲興賢育才意也若其閑檢弗持珪璧自玷所事不踰衣食之間燕游之樂是又張橫渠所謂與下民一致者矣予不習爲吏敢以造士之效爲諸士子拭目焉其他勸事者姓氏具於碑陰乾隆二十二年丁丑歲南呂月



關岳廟 原名武廟祀關壯繆侯在城內中街即武廟街清乾隆五年州牧林良銓十三年州牧胡海觀二十一年州牧夏詔新嘉慶中李天培同治中劉鍾璟永寧道延祐先後增修光緒十五年毀於火知州李玉宣重建民國三年合祀岳忠武王易今名

尹公祠 卽古穆清祠在縣城南門外宋慶元中瀘州帥陳損之改報恩祠以祀周太師尹吉甫及其子伯奇明一統志云卽穆清書院後廢爲觀元劉植卽故址建祠繪像弘治正德中兵備尹嘉言知州蕭敏清康熙四十六年署州牧朱載震先後修建設奉祀生一人乾隆二十四年知州夏詔新重建

明趙鶴齡穆清祠碑記古有道德而教者歿則爲先聖先師凡學皆祀之如祭皋祖於瞽宗祀先賢於西學者是已若卿大夫之德之功之言之足以垂教者歿則祀於社禮謂之先老傳謂之鄉先生者是已帝王之政教先務始此後世自國都以達郡邑皆有廟以祀當時名世諸大儒惟社則廢故鄉先生祠祀多附於學夫人性雖善被物而誘必待教率始復其初學之教

瀘縣志

卷第一

輿地志

壇廟

三二

久康鉛石印刷社承印

法固備矣至於祀雖主報功非教也然觀法之機惟近者切進爲之序必易者先是鄉先生祠祀不可廢也明矣周太師尹公吉甫爲瀘鄉先生首天下古今士望之冠冕也其道德功業文章備載經史州乘當與伊周並稱唐天寶及宋開寶間品第歷代名宦優禮而祠祀之惟太師尹公不與蓋一時之偏見非萬世之公論也胡致堂兄弟嘗言論道議事一折衷於仲尼則無失者置仲尼而取儒者所不傳雖及他說未有能臻其當也如太師賦蒸民之詩而仲尼贊之曰爲此詩者其知道乎孟軻氏引以明人性之善噫太師公之德言孔孟尙宗之而謂可無祠祀乎前人禮以義起始於城南立祠奉祀大明成化間郡守滇南邢侯乃以聞於上命有司春秋次丁舉行可謂大彰歷代之闕典矣迄今祀事雖不廢而祠宇年久顛朽剝落邇者憲副吉安尹公嘉言乃考制重修祠則左右翼以兩室前廳三楹近與祠對後樹亭角高出祠表外作重門台甃以石周圍垣牆內外祠宇方將一新而尹以致仕歸弗克終厥事郡守寧都蕭侯敏乃以成終爲己任遂狗時經略木瓦磚灰諸

需自廉隅柱石上下四旁黜堊丹漆一切捐俸爲之毫不累民祠成乃序神位曩時孝子伯奇泊名宦鄉賢神位混居一案於禮未協乃與二守張侯鳳節州判柳侯景和吏目張君翥訓導楊君淳王君仍宋君榮郡耆戶部主事宴君輒進士王君忠折衷於禮義而定之正祠原祀太師公塑像南面中坐今在位東坐西面則以伯奇神位配之祠翼左室祀瀘之名宦右室祀瀘之鄉賢先後之序秩如也前廳閎邃爲穆清書院後亭爽邁以清風名其亭重門額曰穆清祠蓋皆本太師之所稱而彰其盛德也是役也經始於弘治甲子春二月落成於正德丁卯秋七月一日侯走幣摺簡屬記於鶴齡欲勒瑱珉鶴齡紀其始末因作頌曰天祚姬籙中興澗瀘篤生之輔贊翊後先內總機務經緯萬千大文稱耀神武遙宣西軌傾軋大力迴旋用成廓卜永其世年周轍旣東頽厥皇綱黍離哀靡正聲杳茫夫惟大雅煥其鴻章崧嶽江漢炳耀鏗鏘蒸民知道孔孟所彰用徵性善幽渺張皇獬豸猖狂逞侵京邑帝曰咨汝芟其孔熾六月出師戎車旣飭薄伐以懲用告成事師不久露農咸瀘

瀘縣志

卷第一

輿地志

壇廟

三二

久康鉛石印刷社承印

就緒飲至策勳穆穆棣棣正士在朝賢人彙升僚友同德夾輔休明侍燕爲誰張仲比鄰贈言爲誰爲甫及申盍簪結紐協泰同寅彝倫式法啓我瀘人維我瀘川公之居址穆如清風披拂桑梓瀘人感德禮由義起作祠城南歷有年紀迄成化間朝命伊始詔祀仲丁亞於孔子副憲尹公命世之英文武憲邦先德是程拜奠俯仰周視層楹古壁苔蝕雕梁菌生乃謀經始物必稱情郡守蕭侯終其經營杞梓榱桷是斷是度礪碱珠珉是雕是琢周階砥平簷牙高椽公其綏此妥侑安樂孝子西面分獻致恪名宦鄉賢從祀輝爍薦以鯉魚饁以荔枝巴歌渝舞以流遐思思公無斃祀公有時成人小子陟堂徂基懿德嘉言取則不違惠我瀘人永言保之

清朱載震修尹公祠碑記人參天地而立所以邇事父遠事君者惟忠與孝故忠臣孝子天地之正氣鍾焉當周受命初正氣萃於文王止敬止孝固有開乎其先迨周道浸衰太師吉甫起而戮力匡扶成中興之業詩稱文武吉南萬邦爲憲有明徵矣其子伯奇不得於親援琴而操履霜江水爲之鳴咽

至今如有餘悲其於文之化殆有異世而同揆者方今聖天子在上凡古忠臣孝子靡不秩諸祀典罔有怨恫所以教忠教孝維天地之正氣者奚啻成周之盛大中丞能公導揚休明勤禮前哲以瀘郡爲太師父母之邦舊有穆清祠歲時致祭薦經兵燹廢而不舉者歷有年所矣夫鄉先生沒而可祀於社自昔言之而况太師父子忠孝可貫金石動鬼神則其祀於鄉也更宜康熙丁亥春載震以憲委來署瀘篆奉檄求祠址而更新之因考圖記詢之父老於州城南門外得其故址久湮沒民圃而委棄於榛莽者爲之清釐芟除捐貲庀材做遺址建堂三楹中奉太師神主以孝子伯奇配享築垣周圍設外門顏其額復以其餘地屬之奉祀生尹尙文俾築室而居以修明禋綜計用人之工凡若干其告成也曾不踰月蓋州人士銘鏤太師勳德千百年如一日而大中丞克紹先公令緒以噢咻斯民忠孝所感不疾而速故載震得藉手以報憲命而累世曠典亦於斯再觀云

方象瑛尹公祠詩南望穆清廟北望撫琴臺遐哉尹吉甫文武中興才如何瀘縣志 卷第一 輿地志 壇廟 三三 久康鉛石印刷社承印

家庭有遺憾沉江孝子悲黃埃履霜操淒且哀子安操何時回衣苔帶藻瀘江水蕭蕭落日悲風來

武侯祠 在城西寶山之峯卽三忠祠祀漢諸葛武侯及其子瞻孫尙宋慶元中瀘州帥陳損之始建明一統志云舊時蠻人每歲貢必相率拜於廟宋劉光祖詩蜀人所至祠遺像蠻徼猶知問舊碑明參政吳從義僉事薛甲副使何閔中先後重修兵燹後殘毀清康熙七年參政張松齡重建乾隆五年知州林良銓增修光緒十六年知州李玉宣補葺民國以後因駐軍之故時時折毀又時時葺治今多改舊觀矣

明薛甲武侯祠碑記武侯祠昉自沔陽而徧於蜀今建於瀘之西山者亦其一也瀘在蜀東南爲烏白諸蠻通道而侯之威德入南人爲深故均之爲祠而其建立所係有輕重焉世傳夷人道瀘過祠下必拜而其習俗相沿雖至爲鄙陋者必稱侯遺教而以死守之然考侯平生經略所及止於越嶲之南未嘗親至此特條教頒行而已顧人之篤信深慕猶若此亦可以驗誠感之

神矣夫帝王歷數如寒暑循環而先主崛起西南亦與魏吳何異然自孔明一倡而漢統之正其不可干如天先主興復之大義其不容泯沒如日月至於今出師二表誦之者未有不動心者也嗚呼此豈有所待乎外而然哉綱常倫理民所秉彝惟不參以私智而擴充之則感觸所加人心自奮而其功業之積累雖不成於己必成於人雖不行於今必行於天下後世此達人君子一古今齊物我之道而孟子所謂先立乎其大者也侯之心事既已如此而淺見之士猶以起居飲食應變將略竊妄議其短長可謂鯤鵬翔於寥廓而不免燕雀之笑者也甲素知敬慕於侯竊謂孔門正心之學惟侯知之而每以論者之不能盡爲恨茲幸獲瞻拜祠下以寄其餘思而廟宇頽剝容飾弗稱無以導揚州人崇奉之意則爲經度其工費料量其夫役凡故有者飭而新之繚以垣墻植以松栢而祠背山面江俯瞰城郭亦偉麗特甚每風日之朝帆檣魚鳥行旅牛羊往來掩映於蒼煙翠靄沙汀竹樹之間而余以無事間一登覽則天之高地之下景物冥會恍若侯之精神充溢洋洋乎與造瀘

物偕來也工既畢復命僧二人守之而贍以山下之田久沒於豪民者且發明侯之事以告瀘之人使蒸嘗者有所感發斯舉也不惟舉其禮焉於名教亦有少補哉嘉靖十七年戊戌七月記

韓位甫重修武侯祠碑記按陳壽三國志稱蜀先主以漢建安十六年入蜀取劉璋圍涪州破綿竹分遣諸將下蜀縣諸葛孔明張翼德趙子龍等將兵泝流定白帝江州江陽江陽卽瀘郡也當爲侯駐節處故寶山祠侯及關漢壽亭侯張新亭桓侯所從來矣永宣間郡先達張都御史駿作寶山賦志瀘者多以賦弁焉天啓辛酉蘭夷入江郡治煨燼歷十餘載廟貌剝露上雨旁風裡祀弗虔井堙木刊鼯窟鴟巢頽陁爲甚癸酉春禮部儀制郎何公奉璽書巡臬川南駐節於瀘登謁侯祠瞻睇惻然乃新棟宇易桷棖堊垣甃繕甬甌崇飾藻繪均如式前爲軒三楹曰澹寧左右廊廡皆嚴潔選黌宮弟子雋敏者習業其中又前爲八卦臺象陣圖之概併易寶山曰忠山匾焉其闡幽景懿意深遠矣未幾晉文衡之命督全蜀學政而夏官卿駕部郎吳公繼奉

簡命代何公秉憲巡臬事公先自春卿屬與志同道合於何公之政蕭規曹隨若驂之有靳若墳之有篋罄控如紐宮商相宣於是陟山謁祠顧而漢曰巍矣煥矣雲龍風虎山川壯色矣雖然中原流寇闖夔閬岷巴渝而瀘當四達之遠殆不可以無事治也爰簡諸弁帥戎伍環營於祠之外登高而眺遠夜則烽火相望晝則旌旗相見有哨於江有徼於城器利備豫桴鼓不驚而後絃誦盈城士之薦公車者蔚蔚彬彬焉昔文富韓范皆自邊鎮叶和以致大用光翊中興今兩公協心一德表著蜀南異日者入贊樞軸陪國論揆文奮武以佐上理將古大臣之徽懿所爲前有光後有輝者其在斯乎位甫耄病猶庶幾擊壤以歌清靜寧一之治也夫

清蔡毓榮重修武侯祠碑記康熙十年辛亥仲秋余自成都言歸荊州道出於瀘城西山之上舊有諸葛武侯祠予登覽焉瞻仰之次喟然興思曰國勢之尊卑形勝之贏絀豈不係其人哉巴蜀山川阻險乘時多故據有茲土者由先主而上下之其前則有若公孫述李特其後則有若王建孟知祥明玉瀘縣志

卷第一 輿地志 壇廟 三五 久康鉛石印刷社承印

珍輩大都攘竊彈丸號稱僭僞而先主用之以抗衡吳魏鼎峙中原千載而下謂漢高光之業賴以不墮古來偏隅之主名聲施於後世未有若此其盛者也或謂先主以帝室之胄圖還故物事半功倍有繇然耳然蕭氏之在江陵君子不以繼建業劉宴之在平陽君子不以繼太原則夫統緒之所歸固不僅以其勢也向使先主耳不聞臥龍之名躬不修三顧之禮無論三分之一勢未知所定縱得蜀土而君之其與公孫氏之徒相去幾何雖有劍閣夔門之險不足雄錦城天府之饒未爲富矣予讀史書觀侯之所設施其規模氣象誠有以大過乎人非三代以下功名之士所能庶幾也且以侯生平策功慮事未嘗有侈張誇大之思大名不居自方管樂其拜表出師則曰漢賊不兩立王業不偏安豈虛語哉使天不厭漢假侯以年平吳滅魏侯固有以矢於志而信於心矣是以前賢稱其文則曰與說命相表裏語其人則曰與伊呂爲伯仲嗚呼此先生之所由聲施後世者與予因是載考記籍所謂五月渡瀘者蓋在越嶲之南而此州人士謂州以瀘名因欲得侯而祀之如恐或

失其慕侯也如此顧令棟宇蕪廢俎豆弗虔可乎輒屬州守考其舊而新之  
會巡使黃石龍遷臬江右候代於瀘相爲倡率共贊斯舉予既還荆有司以  
成事告遂筆而爲之記

清李天英謁武侯祠詩

春暮偕家慎興登忠山謁武侯祠相傳昔曾駐師於此

山水一冷局不屬熱腸人及此

春物好延眺舒心神吾兄官亦冷肝膽同輪困斗上三百級俯看外水奔迤  
邐抱城郭萬瓦鋪魚鱗兩江怒爭漲竊恐波濤吞把衣入古殿飄然見綸巾  
猶然默籌畫揮扇凝深嘖怪底風撼樹如聞萬馬屯雪壁滿題句誰與甫也  
親拾慧不敢吐恐汙丞相茵石人何處來土花繡滿身長不逾四尺翁仲相  
等倫狀貌特奇古難辨漢與秦久沉黃泉下蜷曲不得伸一朝約伴侶來作  
太平民執杵立左右飽看忠山春背勒十六字拂拭波磔新我思古碑碣八  
體兼六文豈無李蔡手書此秘記存信耳不信目臆度何紛紛大抵愚盲聾  
一笑安足論

原注凡古碑碣必善書者書之今字畫  
龐惡必後人偽造特辨正之以俟知者

董新策石人行

乾隆六年土人修祠下路得石人土中形似翁仲募衆者欲神其說遂鑄守土守  
土字二行於其背好事者因哄傳爲武侯所記其實妄也至今父老猶能道之

忠山

## 瀘縣志

### 卷第一

輿地志

壇廟

三六

久康鉛石印刷社承印

龍從壓江滸上有武侯舊祠宇州人祀事到今虔新爲樓觀爲堂廡門前闢  
徑轉山腰莽石中間施鑿斧呀然洞穴天爲開石人雙蹲如弼輔長髯豐頰  
狀貌奇約略一軀四尺許拂拭泥汙剔蘚班背鏤銘詞了可覩一曰守土守  
土三分辛苦一曰遇隆則興松柏千古此石不知何代理此銘不知何所取  
於時道路驚相傳叟童觀者集如堵羣蒙臆度且紛囂大都人各語其語冠  
烏初疑道士妝劍佩或詫軍人伍不則方之隧道間芻靈翁仲爲儔侶賢守  
摩挲不謂然播以聲詩浮議沮凡物顯晦各有時况屬神人之奧府石人今  
出祠適興古之作者先逆數百年來秘石張山靈沉鬱氣斯吐公徒昇至  
祠之前左之右之森兩部吁嗟乎像人奇蹟世間多往往所遇非其所君不  
見承露金人辭漢行牽車灞陵泣秋雨又不見平蓋玉人一丈三崔仙仙去  
誰與處石人石人何幸哉臥龍祠下持門戶忠山宇宙大名垂萬古雲霄高  
置汝

呂祖閣

在城西忠山武侯祠側清同治六年分巡道恩祥建光緒中分巡道

延祐李經羲先後增修

奎星閣 在城西忠山武侯祠側同治中分巡道延祐建

鶴山祠 在城內倉街祀宋儒魏了翁光緒中分巡道周廷揆改建孝廉堂以爲瀘中孝廉游燕會課之所今爲農會地址

陳公祠 在小市大街祀明洪武初州牧陳謙初建於城內大街清康熙二十三年知州陳五典四十六年知州朱載震乾隆十三年知州胡觀海先後修葺捐置春秋祭田乾隆二十六年州判阮澍改建小市公墓前而祔蘇公主於其內嘉慶三年知州曹庠業撥田歸紳士經管歲奉祭祀另建數楹祀於忠山武侯祠西廡

清高之傳重修陳公祠碑記瀘當水陸通衢爲蜀南名勝上連戎叙下接巴渝往來差使之煩較他郡邑爲甚而戶口之茂密土地之饒沃亦較他郡邑有加是以戎渝兩郡爭欲收其版籍而隸其人民考舊志明洪武初年茶陵陳公謙來守茲郡請設直隸不得遂投江以死越日衣冠浮出容色如生事

瀘 縣 志

卷第一

輿地志

壇廟

三七

久康鉛石印刷社承印

聞直隸始定嗟乎士君子捐軀殉國何代蔑有然往往當君亡國破之秋以身植千古之名節耳未有當定鼎更制之初身膺郡符持一州之利弊與君相爭一日之法制而遂隕其身者也夫一州之利弊庸人見之於後而補救無功智者燭之於前而維持有力直隸之當置與否其利弊之情形隱而未顯是以開創之君臣有所不及見而待公之請之請之不得繼之以死而後悟迨既定之後民食其利乃感之頌之葬而祠之而公之死已久矣而後知公之爲國也其計遠爲民也其情真其居官時政事文章必有可紀惜乎屢經兵燹載籍無傳而故老亦無能道者然卽此死爭直隸一事而公已不朽矣予從康熙丙子歲司鐸是州嘗往來判署間見石碣屹立堂後審視所記則舊陳公祠也不禁感慨係之無何判官奉裁去廳廡闐然欣蒙大中丞能公飭查芳名遺蹟曾具詳以判署改祠陳公奉批允矣而布置未遑丁亥季春石泉邑侯朱公載震攝篆茲土理繁治劇游刃有餘而於表揚先哲尤加意焉覽卷啓碑見公遺蹟昭然於是創木主製匾額修葺而黜堊之又復單

騎渡資江拜掃墓前構祠三間手書明州牧陳公祠墓於上募人居守復其家舉先朝名宦之久湮者不崇朝而神有憑依儼乎如在於此見大中丞之知人善任而賢署牧之以實心行實政爲能不負委任至意也後之君子登堂而生敬過墓而生哀將公之忠誠精烈所托以長留者多多矣豈徒曰乎設直隸已哉

李顯祖陳公祠祀田碑記竊惟居官受職務有裨於斯民崇德報功期有光於前哲是二者吾於瀘陽見之前明陳公諱謙湖南茶陵人洪武初牧瀘是時疆域未定戎渝爭轄公以直隸爲瀘民請不得則自沉於汶水事聞始俞所請考明史直隸置自洪武六年距今且四百載公不愛一己之生而獲賴以生者無疲奔命不顧一身之死而幸脫於死者汔可小康其有功斯民非所謂計安社稷氣凌河岳者哉自公之沒也民爲慟哭罷市葬之資江北而建廟以祀春秋之俎豆常新代閱滄桑祀典中絕國朝康熙中郡牧陳公諱五典署牧朱公諱載震慨祠宇之將泯嗟孤墳之就荒先後舉廢駸駸就理

瀘縣志

卷第一

輿地志

壇廟

三八

久康鉛石印刷社承印

而於祀田則未遑也乾隆丙寅秋楚北孝感胡公諱觀海攝篆斯土甫下車卽訪公祠而展祭拜謁之下慨然興感越明年春復率郡士民祭於墓且謂陳公之德不可忘而春秋之祀不可廢也遂捐俸以倡一時勦事者翕然共買田若干畝以供祭祀並建坊墓側俾樵牧者有所禁焉夫陳公以身赴波濤爲斯民保障其聲施與陵谷俱永矣而胡公表揚英烈不旬月而制度聿新教化之入人亦於茲可見云顯祖備員瀘屬睹茲盛舉爰不揣愚陋而爲之記時乾隆十三年戊辰孟冬月也

按爭直隸不得投江死陳公本傳不載

儲掌文題陳公祠詩江陽古郡介渝戎分土長懷守土功豈爲頭銜爭大小劇憐民力困西東身沉自信心靡轉尸諫誰云術未工三復新都舊題句悲前愧後思無窮

自注云修撰新都楊升菴題陳公祠對聯云義烈壯三瀘顧瞻遺塚悲前哲精英存一坏仰止高山媿後人

家在三湘澤在瀘江流不盡此捐軀卽看異代羞蘋藻何但當年頌袴襦景仰高山憑後起鼎湖遺廟廓前模撫琴臺近棲神地子孝臣忠永不孤

蘇公祠 在城西忠山武侯祠東廡祀明州牧蘇瓊又附於小市陳公祠



清周藹聯重建陳公蘇公祠堂記明崇禎十四年四川瀘州直隸州知州石埭蘇公諱瓊以寇難闔門赴義國朝乾隆四十年仰蒙高宗純皇帝軫慰勝朝殉節諸臣公與杜松以下共一百一十人通謚忠烈公之死事見於彭遵泗蜀碧而曹履吉傳敘述尤詳惟公當獻賊蹂躪時竭力守士卒之城亡與亡至今凜凜猶有生氣允宜百世祀之以植綱常勵臣節也明季州人何甲徵詩瀘人爭尸祀之祠忠山巔是忠山故有祠不知廢自何年僅有木室祔諸城北小市廂之陳公祠夫荼陵陳公當明洪武初年牧瀘瀘向隸重慶路士民苦於奔馳公疏請改州爲直隸不得欲仿尸諫遂自沉於江越日得其尸神氣如生州民葬之中水以北事上聞始俞所請而民困以甦墓於斯祠於斯宜也蘇公一門忠烈宜有專祠秀水沈君研怡昭興牧瀘以來孳孳焉以修廢舉墜爲己任民不煩而事無不集慨然曰陳公祠初建州城南以康熙三十八年裁撤之州同署爲之乾隆二十六年州判阮澍移建小市公墓前舊置祭田嘉慶三年署牧曹庠業撥歸紳士經理歲入以供祀事官則春瀘縣志

卷第一

輿地志

壇廟

三九

久康鉛石印刷社承印

秋拜祠下祠處僻壤非往來所必經設遇中水盛漲則不得渡不若度地忠山與蘇忠烈公並祠山在西門外不半里巋如翼如城廂坊卷之人均可望而生敬乃周覽山前後無隙地惟武侯祠之兩廡改建數楹足資妥侑右爲蘇忠烈公祠而以同時殉難之夫人舒配其四僕曰夏遷曰劉明曰蘇富曰鄭貞其三婢曰秀貞曰秋蘭曰玉簪查照昭忠祠兵勇每五十人爲一牌之制別設兩木主祔食其下左爲陳公祠另籌經費每歲春秋卽以奉文祭昭忠祠之日致祭兩祠其小市之祠仍聽士民享祀落成之日屬藹聯識其緣起冀後之君子追念二公之功烈修葺而弗替云耳至兩公事實載志乘陳公祭田有碑記茲不贅其蘇忠烈公祠四僕三婢據冷時中詩註皆葬忠山之麓倘訪而得之當立短碣表彰以勵後之爲僕婢者迺製神弦曲二章俾樂工歌以康神焉辭曰

瀘之州兮水陸衝下接巴渝兮上連叙戎徭役繁兮民亦勞止公盡傷兮乞小休止陳辭籲請兮改直隸事不行兮格羣議岷江水兮清且漣公自沉兮

侶屈原翼日兮尸自出貌如生兮衣冠縝密州民衢祭兮號咷率錢葬公兮  
城北之皋事聞朝兮議始俞尸祝兮千春弗渝建新祠兮忠山巔公乘氣  
兮迴翔其間前千年兮武鄉後百年兮忠烈修秩祀兮練時日牲腍肥兮酒  
清冽傳芭舞兮俛俛譜神弦兮悽咽右陳公

公擢任兮景州公授命兮瀘州人莫不有死孰如公重於山邱瀘城面江兮  
形則橢施神器兮法火屯義勇兮忠山賊震讐兮不敢扳調兵兮閣部楊啓  
門兮察使黃賊如毛兮闖入公巷戰兮身被縛大罵賊兮慨以慷拚抉舌兮  
刳腸血脣兮膏野草浩氣兮翔天閻夫人暨僕婢兮一家八人從公抗節兮  
爲公忠臣從容兮就死碧血斑斑兮照青史賜謚兮忠烈崇廟貌兮檐轡轡  
公之來兮芻况有牲有醕兮肸鬻公之去兮風馬雲車穀我士女兮黍稌右蘇

忠烈公

忠孝祠節烈祠

在城南大街道光十二年知州朱錫穀重建

按節烈祠舊志作節孝祠

清朱錫穀重建瀘州忠孝節烈祠碑記今使聞銜溫序之鬚動呆卿之髮皋

瀘縣志

卷第一

輿地志

壇廟

四〇

久康鉛石印刷社承印

魚倚樹而立哭曹娥沉水以求屍有不凜然色變者乎曰無有也又使聞磨  
代夫人之笄斷王凝妻之臂孤燕傷心於王媛寡鵠悲感於陶嬰有不愴然  
意惻者乎曰無有也蓋忠孝節義之至性自在於人心植之爲名教之綱維  
存之卽兩間之元氣千百世下聞風興起頑廉懦立有由然也瀘州舊有忠  
孝節烈祠一區在學署之左初自國初歷年旣久棟宇傾仄上雨旁風頽敝  
殊甚道光壬辰冬余蒞茲土司訓周君以爲言余曰是烏可以無作也謀諸  
州人士余捐俸爲倡而衆咸輸貲以助迺就舊址而闢之鳩工庀材繚以周  
垣建爲左右異室男女各就其位室各有門循廣廊而中分之又遵道光九  
年制旨於門外通衢立節孝總坊一座凡前代迄今節烈賢媛咸爲標列規  
制大備高明爽塏氣象肅穆以癸巳十二月之吉奉主入祠與同官攝衣將  
事諸人士躋濟就列牲醴旣薦馨香四達拜獻益虔觀禮者以爲百餘年來  
所未有也余因告諸衆曰今之儼然在上而受享祀者彼豈有異乎人哉夫  
古來忠臣孝子貞姬烈媛皆此一念之眞誠所結而成方其履艱虞冒危難

鼎鑊在前刀鋸在後或慷慨以捐生或從容而就義或決之於須臾或遲之以歲月其志堅其行苦其百折不回之氣絕無有狗名之見存其中迨夫日久論定而後乃彰彰大顯於世譬之天地晦冥風雷震薄而卒無以掩日星之光無他恆性之所存亘古今而不易雖時異境殊而其爲完人則一也後之人其可知所觀感矣乃作迎神送神之曲其辭曰神之來兮靈風驟赤螭兮駕蒼龍精誠在天兮貫爲白虹皎名義兮日當中雲旗宛宛兮霓節容容忠山高兮海觀雄歆祀故鄉兮神其罔恫右迎神黍稷兮維馨酒醴兮惟旨三獻禮成兮神既醉止祥煙繚繞兮旋飆四起歸太虛兮留浩氣千秋萬歲兮以扶人紀右送神

惜字宮 在城內關岳廟側祀倉頡清乾隆三十年巡道孟端倡捐修建咸豐中重修

清林中麟惜字宮碑記瀘郡舊無惜字宮乾隆三十年道憲孟始倡捐修建命學博廖君毓梁暨紳士雷繩武程先哲等董其事不數月而宮巍然告成

## 瀘縣志

### 卷第一

輿地志

壇廟

四一

久康鉛石印刷社承印

宮內肖倉頡夫子像復爲設住持給以貲費俾於郡中拾取殘毀字紙聚而化之以付水濱而囑余記其事夫惜字盛舉也後之人踵而行之并以前所云爲法戒斯無負惜字之義他若地勢之軒朗門廡之整肅則衆目所共睹茲不復贅節末段

文昌祠 有二一在城南關外三里明時建嘉慶十九年雲南知州陳廷熿以坐運來瀘倡捐重修一原在城內梓潼街康熙九年重建乾隆四十五年州牧劉炳嘉慶二十年州牧沈昭興先後倡捐增修同治五年州牧許培身遷建倉街口今廢爲小學校址

朱衣祠 在城內文昌祠後院祀朱衣神同治十一年州紳士建

濂溪祠 在城內三倒拐街祀宋儒周濂溪清乾隆三年建嘉慶二年培修光

緒十三年重建今辦小學校在內

城隍祠 在縣城西大街

明朱茹城隍金像碑記古者王公設險守國築土爲城鑿池爲隍蓋所以阻

絕寇盜保聚元黎其功甚鉅禮有功於民則祀之名山大川出雲降雨因有望秩之儀金湯鞏固民是以安其功與禦災捍患等我朝定鼎後釐正祀典首崇城隍之神南北兩京皆建都城隍廟於畿內令天下郡縣各得立祠祀維瀘亦有之考古嶽瀆視公侯則隨其所隸之國而國君奉其祀分位相敵也今城隍之設於郡縣者其祀則守令主之故郡縣城隍之神其分位則與守令等守令之官治其明則生聚教誨賞罰彰瘡其所職也城隍之神治其幽則禍福災祥水旱疾疫其所職也有職於民民必報焉聖人以神道設教於是爲宮室殿庭以處之牲牷玉幣以奉之齋戒蠲潔誠敬肅將則有臨於上而質於旁者於是又稱情立文仿古封土爲社植木爲主之意而肖像以祀之蓋率土皆然矣瀘人懼土木之質有時而壞謀鑄金身於是致仕巡檢李從周等主其事士民爭醵費以成之工著於萬曆癸巳之夏四月六日座升於是年之冬閏十一月十六日初鑄像出爍以琅玕刮以琳琅飾以金碧點以朱丹金姿寶像煌煌乎映朝日而燦明霞風雨不能侵蝕燥濕不滋

因援筆而爲之記

瀘縣志

卷第一

輿地志

壇廟

四二

久康鉛石印刷社承印

朽蠹像之堅久行且與金湯鞏固矣瀘人篤精虔而托保障幽以奉神靈之威明以率州守之教其積誠固志鎔冶風化亦將與金像巨天地無終極而永存也視彼遵西方之教而鑄丈六金身者不大相懸殊哉衆皆曰宜書茹

龍神祠 在城南孔子廟側乾隆二十五年知州夏詔新建前有方塘積水沉碧中多龜鼈今爲瀘縣地方法院

水神祠 有二一在會津門外大河街同治九年建後燬於火光緒二十九年重建一在小市廂乾隆二十三年建道光七年培修

離明宮 像祀熒惑星有二一在城中初在城北三聖宮清乾隆二十二年知州夏詔新培修咸豐十一年知州許培身遷川主宮遂稱離明宮俗稱火神廟一在東門外寶慶街道光二十七年建

軒轅宮 在城內朱紫街祀黃帝道光十七年建

禹王宮 在城內大北街祀大禹

川主宮 祀宋封清源妙道真君李二郎城廂有二一在小市上碼頭明時古廟乾隆十四年重建光緒八年培修一在道署左側明嘉靖中爲佛寺清康熙七年改修川主宮乾隆二十四年重建

萬壽宮 在城內大北街光緒十五年燬於火民國三年重修

天上宮 在城內大北街

南華宮 卽嶺南公所在城內大北街

帝主宮 卽黃州館在西門大街

武聖宮 卽陝西館祀關壯繆侯在西門大街

東嶽廟 在城西門外清康熙六年重修少保李國英題鼎湖金闕今爲縣立初級職業學校

衡州會館 在慈善街乾隆十五年建民國二年重建

黔南會館 在三倒拐街祀南霽雲乾隆五十三年建

五穀祠 在鈕子街巷內光緒二十二年重建

靈祖宮 在鈕子街光緒二十二年重修

瀘縣志

卷第一

輿地志

壇廟

四三

久康鉛石印刷社承印

金輪宮 卽財神廟祀趙公明在財神廟街嘉慶八年建

桓侯宮 祀張飛城廂有三一在皂角巷一在南門外道光二年建一在小市

廂道光元年建

撫州館 卽昭武公所祀許真君在東門城垣同治十二年建光緒十六年重修

麻姑廟 卽建武公所在東門城垣嘉慶九年建光緒十八年重修

石陽館 在東門城垣

江浙會館 在南門正街祀關羽乾隆二十四年建

滇南會館 在南門外民國八年就前京銅局改建

三元宮 在南門外乾隆五十四年建道光三十年重建

太陽廟 在南門外乾隆六年建

老君廟 在城南垣祀李耳乾隆四十三年建

公輸宮 在城南垣祀公輸般舊爲禹王宮乾隆十七年建咸豐四年重建易

今名

藥王廟 在南門外祀孫思邈乾隆五十四年建道光三年重建

紫雲宮 在南門外祀李二郎嘉慶七年建

王爺廟 祀李二郎城廂有六在南門外者曰上王爺廟光緒元年建曰中王

爺廟道光十六年建曰下王爺廟光緒二十年建在小市者曰上王爺廟曰下

王爺廟在小北門外者明為下圓通寺清為大悲菴乾隆時易今名

老郎廟 在西門大街祀唐太宗太子李治

三聖宮 在北門城垣光緒三十二年重建

三皇宮 在北門城垣乾隆五十八年建同治十二年重修

文江館 在小市廂

五龍宮 在小市廂道光五年建光緒元年培修

西昌館 在小市廂

三官祠 在城南四里祀天官地官水官嘉慶十二年署牧李天培創建為每

瀘縣志

卷第一

輿地志

壇廟

四四

久康鉛石印刷社承印

年撈瘞浮屍施棺醮祭之所十六年知州余永齡增修

清江國霖遊三官祠詩城南咫尺近仙鄉野草茸茸夾路長采藥人穿修竹

去晚春天似早秋涼樹陰垂地雲難埽花氣薰簾雨亦香丹竈琴臺何處問

步虛聲斷暮山蒼

岷山李公生祠 明萬曆初叙瀘副使李江佐巡撫曾省吾討平九絲蠻就陞

按察使瀘人建祠孔子廟側生事之見舊通志

今廢

明朱茹岷山李公生祠碑記李公名江字岷山萬曆元年以副使駐瀘州時

撫臣曾公省吾請討九絲蠻詔許之九絲山蠻最險地也山形盤礴崑鬱上

修廣可容萬家而四隅峭折崇巒羣立外限深箐為蠻中天險其東北則為

雞冠嶺凌霄峯都都寨三崗皆峻壁峭拔羊腸仄徑行不得列騎蠻因是負

固至我朝來蠻酋阿大阿二方三等尤為橫暴荼毒之慘至不忍言方曾公

議討時謀之在官諸大夫從否各異議惟公極贊之疏上相國張江陵亦主

討與曾公合於是仗節興師征土漢兵益以募兵共一十四萬有奇總鎮劉

顯郭成各領兵扼險而以公督戰公獻策於曾公曰九絲險阻未易卽拔彼以凌霄都都爲門戶聲勢相援宜先剪其兩翼則九絲自孤曾公從之以是年夏五月拔凌霄六月拔都都進攻九絲蠻酋殊死拒山峻不可上官軍難於仰攻氣稍挫公下令先登者賞倍斬級雖少以上功論次登者斬級雖多以下功論於是官軍踴躍以九月重九日天雨乘其賽禱痛飲時夜方半蠻酋醉臥又恃天雨不加警備官軍捫蘿攀葛而上擣其巢穴值天黑自相踐踏死者過半官軍直砍其營墜巖顛谷不可勝計阿二方三亡出九絲城尋被擒獲乃移師雞冠嶺攻破其寨阿大出走亦被擒獲九絲遂平曾公以疏上晉公秩參藩兼秩如初初曾公以善後方略悉委於公公相山水二都形勢擇其地之寬衍者築爲城區畫荒度備極經營雖有內息之變略不置意獨居荒陋淡泊自將宴如也城旣成爲樹堡立鎮設官置守雉堞參差樓櫓相望民既有恃以爲固乃教耕興學轉佩犢帶牛之風而爲耨鋤易椎髻左衽之俗而爲衣冠民於是始知有保聚之樂回視向者刳胸斫首剖孕蒸孩

蠻始用憂高柵深壘以次見收二將橫徂彗掃星流兇酋授首所有全抽公鬱遐思相觀山水築城二都以垂千祀十仞崇墉巖巖特起經營度荒夙夜勤止憂生室家公則聽之念注於公不遑恤私忠誠公愼衆所共知惠我江陽永言遐思始時人民竄匿荆杞瀝血抒肝命同雞豕今憑城郭相依相倚始時民人蓬頭露趾今則峨冠縞帶絲履衿佩魚魚以讓以齒感公之德淪髓浹膚公行匪遠近在成都瀘爲隸州聲教時敷立祠設像孔廟之隅祭拜瞻仰州人永孚

南壇 在南門外乾隆十三年署牧胡觀海建

北壇 在西門外乾隆十三年署牧胡觀海建

厲壇 舊在縣北乾隆十一年知州夏詔新建廣仁堂爲施棺寄骨之所改就致祭民國十一年廢爲農事試驗場

土主廟 舊志云在州城內卽古蒲家莊相傳張柬之桓彥範崔元暉袁恕己敬暉等有大功於唐享廟祀號五龍土主其像凡五今廢按土主二字疑卽五王之訛

## 瀘縣志

### 卷第一

輿地志

壇廟

四六

久康鉛石印刷社承印

楊四廟 在南門外舊名五顯廟民國八年廢爲民宅卽瀘廬

大慈寺 在院前街今廢民國二十四年就其址建革命紀念堂

雨花院 在專城街光緒三十二年併入川南師校

玄妙觀 舊志云在州城南舊三清觀明一統志云後周時建明洪武中重修名勝志云州南玄妙觀唐真人劉應靜煉丹於此丹竈石牀尙存

開福寺 卽古治平寺在縣城正中東漢時建宋安撫使馮楫造七級浮屠於內俗稱白塔寺明時官寮朝賀在此乾隆二十二年知州夏詔新於寺前建萬壽戲樓一座榜曰普天同慶寺凡數進地勢突起軒朗高華民國初元塔之四周殿宇爲縣立中學校購併七年天王殿燬於火十年卽其地改建圖書館嗣又撤去戲樓改建門道今所存者僅大雄殿及廂房半面而已

宋黃庭堅彌勒殿銘瀘州控綿水一都會文經武略付在守臣呼吸變故應以整暇佛殿鐘鼓亦用震驚龔俗使相輯睦不相侵冒實爲王略之助瀘故有開福寺彌勒大像殿屹岌通衢夷夏所瞻摩以歲禩金碧黯昧像設欹傾



僧景沂了愚子謁同力新之始於紹聖丁丑成於建中靖國之元而景沂請銘余爲稽首銘之曰能仁像法岌岌將傾知足天王下開羣冥維此金像景沂所作侍其純夫實掌西南之鑰有其閉之莫相侮之有其開之來獻其琛此卷摹刻畢便留充沂上人衣鉢若有攘臂紛奪者依東坡先生四菩薩板誓建中靖國元年正月丁亥青輝閣前舟中書

北巖寺 在城北北巖勝覽云舊有小菴宋尙書楊汝明創爲大刹又創五峯

書院於其地明太史楊慎題曰半空樓閣千山繞兩岸人家一水分今廢爲江

陽中學校址 按明一統志開福寺附注云又有北巖寺在城北普門寺在城南真如寺在城西南今真如普門不可考矣

明林俊北巖寺詩兩川搖扞尙遲留耳落邊聲結素愁草閱陣旗江郭靖雲

移仙蓋野堂幽時危拊髀思屠狗日短歸心寄飼牛忝竊三朝今老憊驅馳

何計足消憂 按明史稱後歷事四朝抗辭敢諫以禮進退始終一節歷刑部尙書卒謚真肅正德初巡撫四川駐軍瀘州擊滅土寇曹甫王四等全蜀甯謐總督洪鐘輩讒忌日起故詩云云

楊慎元宵宿北巖寺開公房詩春醉依蓮社宵談衍葛籐雲僧標指月天女步燃燈桑下經三宿蒲團了一乘何須分垢淨持此問南能

瀘縣志

卷第一

輿地志

壇廟

四七

久康鉛石印刷社承印

孟秋北巖招提卽事詩秋江芙蓉開且鮮紅妝碧水鬪明蠲可憐丈室散花地便是三管空侯天慈雲演梵香幕阜涼雨催詩珠跳船醉鄉不見二豪至蘇門竟成孤嘯還

眞武宮 在縣北五峯山絕頂明萬歷初建 進士朱茹撰記不載

寶蓮寺 在縣北小市土漕口明萬歷間御史王藩臣捨宅以建寺成有番僧持千葉寶蓮來此故名康熙中州牧陳五典太史董新策俱有題刻詩文在寺不錄

清知州純湖李世彬重修寶蓮寺並裝佛像碑記 咸豐八年戊午仲冬立碑高五尺廣二尺五寸厚四寸八分 寶蓮

古寺當官道之要衝爲郡城之翊護馨香肸鬻楚唄蟬嫣其所由來舊矣相傳明萬歷時侍御王公捨宅爲基閱歷滄桑而王公之後無傳本朝康熙初年樵山上人受請駐錫於此憫其頽廢受與首座宗鑑和尚併力新修遂於辛卯始建山門建造左廂經樓四方善士無不樂從旋於乙未復建上大士殿前接引殿補葺中堂添購右廂郡伯楊公捐廉爲倡宗師奔走其間前

後締造十有□□費壹千五百餘金太史董公撰文勒石紀之厥後住持岳可復於乾隆庚申開闢本寺田塘辛酉三官殿癸亥鋪砌天墀兼裝闌楯乙丑草成靜室己巳改砌路徑立諸碑費亦不貲而大雄正殿康熙庚辰郡伯張公督同住持佛照之所建也釋迦如來銅像雖亦肇於明時而康熙乙未移殿修座安腹之功惟岳師迺告厥成其後殿大土石身與前殿韋馱塑像則郡人萬聖田在金劉漢選劉振椿等偕岳師虔誠請匠拂拭裝修碑碣具存昭然若揭予始下車有覬覦寺產者狡訟不休顧以寺僧闇弱折證無從遂致久懸未決今者歷年湮遠常住蕭條蓮臺非不壞之軀簷宇有就傾之勢安象獅於荆棘叢雀鼠於墉垣冠蓋往來停驂太息旛旛禮謁倚柱徘徊不得不急圖重葺於是命住持僧本梁者搜攷前蹟兼復核諸舊牘始得其詳是此寺之興王公爲之宗主而苦澹經營於瓦礫之場植產業於汙萊之域功非一人事非一人則固闔郡之所公有卽揆諸侍御當時喜捨之懷亦自欲同□□於鄉邦其非徒僅爲菟裘之築彰彰明甚茲余緬述多□子樂善好施後先輝映尤可嘉也

迎閣寺 在西門城外光緒八年重修

百子圖 在城西一里滴乳巖側卽唐眞如寺康熙七年重修乾隆五十三年培修

白衣菴 在北門城外明洪化中建乾隆四十二年道光十一年培修光緒二十一年重修

白虎觀 在北門城外咸豐四年建

玄天觀 在北門城外雍正十三年建光緒二十七年培修

碧山觀 在縣北大江岸

三華山觀 在縣北三華山上

定水寺 在小市

天主教堂 卽眞原堂在凝光門城垣街同治九年建其在十鄉者雲錦場一萬定場張山一藍田場一玄灘場一寶藏場一石洞鎮一

福音教堂 在南門外平遠路光緒初建又三倒拐禮拜堂民國二年建其在

十鄉者特凌場一石馬場一雲錦場一彌陀場一藍田場一况場一石洞鎮一

清真寺 在城西皂角巷乾隆十二年建

以上城廂

觀音閣 在縣東北三里夢仙亭右層樓疊閣俯瞰大江

清李天英登觀音閣詩不知身在最高樓但覺江山脚底浮伸指撻來雲一

握摩巖數遍佛千頭

石壁古佛甚多皆明嘉隆時鑿

琴臺客去苔衣老海觀波回樹葉秋極目熊

湘動兵甲幾時壯士脫兜鍪

歸子寺 在縣東北三里歸子山周孝子尹伯奇歸葬處後人建寺傍夢仙亭

廢今

先農壇 在縣東北五里金井鋪雍正四年建

妙高寺 地名羅沙坪在特凌場西十里

瀘縣志

卷第一

輿地志

壇廟

四九

久康鉛石印刷社承印

佛巖寺 在新溪兆雅間明時古剎民國初培修

康家廟 永洪寺

長安寺 玉皇觀

品興寺 羅漢寺

古佛洞 石馬寺

天臺寺 旺龍山寺

寧靜寺 天福寺

騎龍寺 古佛寺

平安寺 西禪寺

風花寺 劉家觀

鄭家觀 中興寺

太平山寺 高興寺

古峯寺 朝陽洞

東皇殿

石龍寺

佛寶寺

三清觀

龍興寺

銀花寺

冲虛觀 一名碧梧觀在縣東北二十里龍馬潭宋嘉祐中禱雨奇應封其神爲嘉澤昭靈善利侯因建觀其上明崇禎初知州全天德重修乾隆二十六年知州夏詔新增修後殿奉玉皇前殿祀龍王五十六年永寧道舒弼重建宣統元年永寧道趙藩知州鍾壽康增修

明薛益龍馬潭神應碑記瀘田疇坐高阜層麓者十之八坦原平陸者十之二池沼畜水桔槔引灌之制自則壤以來未之見聞庶草繁蕪惟赤松是賴稍或不時坐視其槁農人苦之然竟無可如何也州東北二十里有龍馬潭相傳李唐時有王昌者家於潭側一日入市遇異人張姓自號落魄仙呼昌爲易元子授之道術以馬送昌歸至家馬卽化龍入潭潭以是得名乃潭跡之尤異者潭深不測東西延袤南北稍減中擁一小丘當春夏之交大浸瀰

瀘縣志

卷第一

輿地志

壇廟

五〇

久康鉛石印刷社承印

天其堆若浮清濁二水共流截然不相混遇歲旱州人取其水之清者禱雨輒應宋仁宗嘉祐中屢旱禱亦屢應有司上聞勅封神爲嘉澤昭靈善利侯建冲虛觀於堆上妥事之其後觀廢禱亦罕應存其名而已今上之三年六月逾旬不雨人嗷嗷待斃時刺史本州者山陰全公諱天德引咎自責爲民請命晝曝威陽之壇夜宿綠虻之社於是州人以潭之往事進公詣潭虔禱甘霖隨祝而至士民駭歎爭爲口碑筆記以謳歌之越明年春杪夏初驕陽又作公詣潭如故雨復隨車噫嘻神之靈應與公之感召何其異也蓋公下車時適奢藺二酋寇瀘西南騷動公持以鎮定築城固圍造船飛餉軍聲振一時不旋踵而大敵授首酋灰旣冷沃以膏澤民困於是乎甦而公之賢勞忠誠自此符於人神矣豈伊朝夕之故哉適住僧以構神宇請公遂捐俸成之而益以吳下腐儒備員司訓敬從禱祀之後獲睹靈感之奇爰揭潭所由名與公之所以潛通無間者以應州人之請俾勒諸瑱珉存一時之實事云

崇禎四年六月朔日記

清資政院議員萬慎重修龍馬潭碑記瀘州龍馬潭去城二十里而近東出會津門渡江循陂陀迤邐而北至焉四山環合潭水中涵古龍湫也潭上有小山竹木森立龍溪之水自榮昌來會於潭繞小山四周而東注相傳唐時有王昌者家潭側遇落魄仙授馬使乘馬化龍入潭以去其詳殊荒忽潭上舊有觀曰冲虛黃冠領之亦稱碧梧以多梧桐考始建自宋嘉祐中以祀龍神旱禱屢應相沿列祀典每春仲省耕巡使州侯祭先農畢必至潭上祀龍神罔怠然祠屋修祀不常光緒丁酉夏大水汛漲牆壁檣檻撓敗傾塌居者失所游者裹足宣統紀元第一之歲分巡使樾村趙公州刺史文叔鍾公春祀蒞止顧瞻茲邱慨焉興懷以龍神能興雲雨福我黎庶而茲潭又一州勝區聽其頽廢將無以答神庥抒民望乃募資籌款規畫大勢鳩工庀材先營神宮旁及亭榭更其腐朽新其黯蔽補其原有增所本無長廊重廈夷庭高門斬焉一新別規祠右翼然爲樓榜曰觀稼潭外稻畦方罫錯繡收之几席益完美矣神皋奧區迥出塵外水木明瑟魚鳥親人宜乎逸士高流探溯徘徊侈爲絕境昔詩之者有華陽卓文端相國記之者有新城陳懿叔布衣惜乎猶未睹今茲修葺之賅備也巡使刺史旣爲詩張之而復屬余爲記余惟二公之來瀘也張弛庶政部分如流同力合志興起廢墜茲又有事於斯潭簿領之暇落成來止觀風問俗勲視穡事村民嬉嬉如其家兒其便章百姓宣美教化不言而具而圉安歲美人神以和亦若天人之交應吁足尙矣至於事非私己吾州之縉紳士女樵牧芻蕘四序游觀相喻同樂則固有不待

言者

以上  
安賢

東林寺 距太平場八里明成化舊刹藏經極富逢亢旱里人常請經禱雨

西林寺 距太平場四里

毗盧寺 距太平場二里

先天觀 距白雲場五里今名漢古山

飛鳳山廟 距白雲場七里

常樂寺 距土主場三里

金剛寺 距白雲場二里

雲臺寺 距新路口十里

集雲寺 距五通場八里

東林觀 距五通場三里

觀音寺 距五通場四里

復興寺 距涂場一里

元通寺 有二一距土主場十里一距立石站十二里

喻家寺 距土主場四里

佛來菴 距土主場四里

永鎮寺 距涂場十二里

興隆寺 距立石站十二里

來鶴菴 距立石站七里

玉皇觀 距立石站五里

瀘縣志

卷第一

輿地志

壇廟

五二

久康鉛石印刷社承印

東陵寺 在立石站

以上  
鳳儀

大佛寺 亦名開福寺在縣東南江岸宋紹興中創建

建佛寺 在中興場側原名萬松林傳明建文帝曾祝髮於此故更名建佛寺

內有碑高五尺五寸廣三尺六寸厚五寸額刊名貽萬古四字大如拳末存拾  
五年歲次壬午孟冬月廿四日十三字蓋明崇禎時也

建佛寺碑文建佛寺瀘郡□□鄉古刹也□自我朝建文帝□繇湖湘入蜀  
過□萬松陵廬旅於下後復□南□老□□□□□□□道之舊  
譜而殿□適成因名之曰建佛寺之□□□□之地去茲不□□□□  
□□□□□□鮮有供佛飯僧者自是上方□誰弗克□□久圯毀鐘磬  
無□□□□□□□□殿瞻仰感而曰吁名山其頽乎昔人創建  
者何心今日垢蔽者何□□□□□□□□是選勝地復□天鳩  
工庀材□□斯土雖片□□不緣一衆自萬歷己未□□□□□□□  
冬金界告成□道臺妥佛像設業虞□叩□募僧以住持興共規戒□□□

□□□□□□□□燈光滿坐見□騰輝煥然維新焉至若念所已及工有  
未就葺理之事□□□□□□□□然嗣而結善果重修下殿□□□  
□□□□門□香精勒石於左□□□□□□□□於前層巒聳翠於  
後左崇山而龍蟠右峻嶺而虎踞開寺□郭□□□□□□□□□□  
□□四時不斷花語交八節□□殊樹合□□□鷲嶺飛來顛□然崔曇至  
止登□□□□□□令人六根俱淨時□見五蘊□□□□者矣□人目□□  
賞曰此□跡祇□□鄧子以□□□□子之子若孫以不□也□□□□  
名□嘉祿也結嘉祿之福果者誰其□□□其子□□□□□誰□僧恢  
□也啓恢□者□道□也□□是□乎誌以垂於萬斯年云

尖山觀 舊名黃花山

毗盧寺 在東巖

雲慶寺 卽大面寺

三潭觀 明正統元年建康熙五年重修

瀘縣志

卷第一

輿地志

壇廟

五三

久康鉛石印刷社承印

四峯山寺

三佛寺

觀音寺 有二一距顯靜山近顯靜山距蓄谷山右二里

法龍山寺

清涼寺

清泉寺

高龍山寺

棲真觀

九聚山寺

騎龍寺

石盤寺

興寧寺

觀房寺

小神山寺

石佛寺

盤龍寺

水陸院

龍旺山寺

石龍山寺

雞峯山寺

玉皇觀

開福寺

三會寺

聚賢寺

距城五十餘里分水嶺場側約五六里著名古刹也傳建於元時爲

廣福寺明爲五穀齋明英宗天順七年所鑄大鐘猶存清改爲常樂寺規模漸大民國十三年募貲重修峻宇三重改易今名高樓邃閣金碧輝煌爲瀘東寺

院之冠 以上崇義

青龍廟 在豐樂場內

馮村觀 在豐樂場東

天臺寺 在豐樂場南

佛巖寺 在豐樂場東南

石通寺 一名永興寺在豐樂場東南

大鵬寺 在豐樂場南

金鳳山寺 在豐樂場西

三寶山寺 在豐樂場東北

朝陽觀 在豐樂場西北

金獅山寺 在豐樂場北

瀘縣志

卷第一

輿地志

壇廟

五四

久康鉛石印刷社承印

九川山寺 在藍田場南

永峯寺 在利和場東北

壽尊寺 在龍車山北

古佛寺 在大里村東南

牟村觀 在大里村

龍佛寺 在白節場東

九龍寺 在白節場東南

常樂寺 在白節場東南

玉皇觀 在白節場南明嘉靖中建

尹家寺 在大旺場西南

尖峯寺 地名飛鳳山在大旺場北羅東山麓

沙溪寺 歇馬寺

八卦寺 迴龍寺



五龍山寺

觀音寺

通霞寺

以上  
忠信

馬鞍寺 在和豐場南六里

永興寺 在和豐場西十里

古佛寺 在和豐場西九里

龍窩寺 在和豐場西三里

石虎山寺 在和豐場西十五里

雲峯寺 在石棚西八里方山下唐天寶元年建康熙中僧聖可重修樓閣崢

嶸瀘刹之大以此為最

佛國寺 在方山

普照寺 在方山創自唐時明代重建碑記字多磨滅寺內古梅一株虬枝奇

崛外有盤陀石方二丈餘傳明末高僧跌坐其上流寇至聞虎聲驚去

聖水寺 在方山有月桂二株大可合抱枝葉繁茂有泉自巖石中流出清芬

瀘縣志

卷第一

輿地志

壇廟

五五

久康鉛石印刷社承印

甘美明進士朱茹題於石曰第一泉

明朱茹題方山聖水寺泉詩長書蜿蜒望中懸哲匠磨巖鎮淨禪聖水原非

江水外方山今在會山前高人足為通泉脈僧舍時看濕茗煙千古海濤驚

鐵畫清冷一勺藉杯傳

老雲峯 在方山頂

定水寺 在石礪場

龍華寺 在石礪場西南十五里

寶峯寺 在雲峯寺右

潮音寺 在況場西十里

萬壽寺 又名玉皇觀在況場北八里

玉林寺 在況場東五里

大都觀 在況場東南八里華陽山麓

文觀 在況場東南八里華陽山麓

萬緣寺 在石硯場

毗盧寺 在馬嶺場西北十五里

青龍寺 在馬嶺場北八里

興福寺 在石峯山東八里

大悲寺 在大悲場後

佛海寺 在大悲場西南十里

陽生寺 在通灘場西六里

東嶽廟 在通灘場西八里

佛巖寺 在通灘場西十九里

梁家寺 在馬嶺場東十二里方山下

圓覺寺 在馬嶺場西北十五里

觀音寺 在興隆場東六里

米溪寺 在通灘場東八里以上宜民

瀘縣志

卷第一

輿地志

壇廟

五六

久康鉛石印刷社承印

伏龍山寺 在中興場南八里明時建乾隆二十五年重修

三奇寺 在中興場北十五里明萬曆中建嘉慶光緒間均培修

永興寺 在中興場西十二里白雲山蜀漢古刹乾隆中復修

三教寺 在天津坪南十里明洪化中建

金佛寺 在瓦子鎮西十六里明古刹乾隆中重建

水口寺 在瓦子鎮西五里明時建

白雲寺 卽下白雲在興隆場東北七里

寶鎮山寺 在天津坪西一里蜀漢古刹明萬曆中重建

石峯山寺 在朱家坪西八里

昌觀寺 在瓦子鎮南八里

東林寺 在大坳場南八里明古寺乾隆中培修

雲龍寺 在大坳場東三里明古寺乾隆中培修

慈聖寺 在朱家坪西二里

小峨山寺 在興隆場東北七里民國十三年建

金虎山 在瓦子鎮西二里明古刹

五峯山 在瓦子鎮西十五里明古刹

寶金山寺 在朱家坪東二里

觀音寺 在興隆場南十六里

雲臺寺 在朱家坪南六里

小觀山寺 在朱家坪西六里

普門寺 在朱家坪南十里

萬福寺 在興隆場南十五里

清寧寺 在興隆場南十二里

高峯寺 在興隆場南六里

萬壽寺 在高店場南六里

玉峯山 在興隆場北三里

瀘縣志

卷第一

輿地志

壇廟

五七

久康鉛石印刷社承印

潘菴寺 在朱家坪東五里

高店菴 在瓦子鎮南十里

興山寺 在大坳場東四里

吉祥寺 在興隆場南六里

九龍寺 在興隆場東四里

太玄觀 在高店鋪東十五里

白小寺 在高店鋪東十六里

以上  
伏龍

朝陽寺 距牛灘場三里明時建

興寧寺 在牛灘場西北三里乾隆十八年建

金山寺 在牛灘場北一里明萬曆四十七年建乾隆三十八年重修

祇園寺 在奇丫場北十二里明萬曆辛巳建地名法寶山亦曰陽高山又名

陽高寺初在山頂後遷山半易今名見喬應奎廟碑乾隆九年重建

壽尊寺 在奇丫場西南十三里棲鳳山明嘉靖中建萬曆十五年重修本名

天臺寺乾隆時重修易今名

迎太寺 在距奇丫場二里雲臺山建於宋紹興中明末廢乾隆三十二年南山和尚重修見廟碑

臨江院 在奇丫場西南明古寺乾隆壬子重建

圓通寺 在來龍場北六里竹子山明嘉靖二十七年建康熙間增修兩廊易今名

白象寺 在金龍場東十二里明萬曆四十八年建初名祇園寺道光中培修易今名

白雲寺 卽上白雲在龍洞場西南八里宋紹興丙辰建明萬曆四十二年重建乾隆二十四年咸豐七年培修

壽尊寺 原名金鳳寺在牛灘場東明嘉靖十九年建乾隆四十八年重建嘉慶光緒中增建

田壩寺 原名東峯寺在牛灘場東十里明萬曆二十八年建咸豐中改修

瀘縣志

卷第一

輿地志

壇廟

五八

久康鉛石印刷社承印

來龍寺 在胡市西北八里明萬曆六年建乾隆九年三十六年光緒二十年均增修

天佛寺 卽古佛洞在胡市北九里明萬曆中建乾隆十八年培修

萬壽亭 距來龍場五里明天順成化間建初名三教寺嘉靖後易今名乾隆中培修

聚靈宮 在來龍場北三里明嘉靖二十八年建於山頂乾隆二年遷山半光

緒元年培修

高峯寺 在牛灘場東七里明萬曆四年建

彌陀寺 在清平場西四里明萬曆二年建康熙六十一年培修

鰲龍寺 卽蓮臺山在牛灘場南五里明萬曆二十七年建康熙七年遷山半

觀音寺 原名雲景山在牛灘場東六里宋寶慶丙戌建天順八年爲元兵所毀明隆慶四年重建易今名乾隆三十六年培修

登仙寺 原名鳳嶺寺在金龍場東六里唐開元中建宋紹興中被兵毀明嘉

靖間重建易今名

玉龍寺 在胡市東十里明嘉靖十五年建萬曆己未重修道光二十三年改建

石佛寺 原名圓通寺明萬曆七年建清初僧如鏡易今名

白衣菴 在胡市東五里明萬曆四十二年建光緒十一年重修

玉皇觀 在胡市東半里白花山明萬曆十年建乾隆五十三年嘉慶十年先

後培修

以上會文

龍巖寺 在石岡場東六里明洪武三十一年至景泰三年創建成化十四年暨道光同治間均培修

金剛寺 在喻寺場西北五里清光緒十年重修

玉佛寺 在喻寺場西十二里明古剎乾隆二十三年重建

馬鞍寺 在喻寺場西五里明古剎乾隆五十三年重建

觀音寺 在喻寺場東南九里明洪武十一年建萬曆三十一年重建

瀘縣志

卷第一

輿地志

壇廟

五九

久康鉛石印刷社承印

大佛寺 卽雷寺在喻寺場北十五里明萬曆三十五年建雍正六年培修

佛巖寺 在喻寺場明隆慶中建乾隆二十八年被火重建

圓通寺 有二一在喻寺場南五里明正德元年創建萬曆三十六年重建光

緒四年培修一在玉蟾山卽玉蟾寺唐景福中建重建於景泰七年落成於天

順二年同治二年燬於火光緒中重建

開福寺 在嘉明鎮東北十五里孔子山亦稱尙方寺明隆慶六年建乾隆四

十九年培修嘉慶五年建孔子殿又名孔子寺

雲臺寺 在嘉明鎮北九里明萬曆中建乾隆五十九年培修

石象寺 在嘉明鎮北七里明嘉靖中建康熙六十一年重修

三教寺 在嘉明鎮北三里明隆慶三年僧普餘建乾隆二十七年重修

福興寺 在嘉明鎮西南八里明正統二年建康熙四十五年重修

香林寺 在嘉明鎮南十五里明時創建嘉慶十八年僧通智重修

五寶寺 在石岡場北三里明萬曆三十六年建乾隆二十一年培修

毗盧寺 在太和場南三里明正德六年僧慧遠建道光中培修

龍蟠寺 太和場西南二里宋時古剎明萬曆二年僧自滿重建乾隆元年二十年先後增修

蓮花寺 原名佛老寺在太和場北十里明嘉靖四十四年僧悟鑑重修民國九年培修更今名

月巖寺 在雲霧場西北五里明天啓六年建乾隆六十年僧際祥重建嘉慶十七年培修

曾家寺 在雲霧場東北三里明萬曆三十九年重建乾隆四十六年增修見廟碑

黃桷寺 在福集場東南十一里明萬曆中建雍正十二年重建道光十四年又建

祖峯寺 在福集場西北三里明萬曆中建康熙五十二年重修  
朝陽寺 在福集場西北八里明萬曆元年建乾隆十九年增修道光三十年

瀘縣志

卷第一

輿地志

壇廟

六〇

久康鉛石印刷社承印

培修

鄒寺 原名三教寺在雨壇寺場西十里明洪武二年建弘治十年鄒仲顯乏嗣捨業增修大雄殿更今名光緒二十六年民國四年均培修

現龍菴 在雨壇寺場西五里明萬曆十九年建

天竺寺 在觀音場南三里明洪化中建乾隆十五年道光元年民國五年均培修

報恩寺 在觀音場東五里康熙中建民國七年培修以上  
衣錦

聚龍寺 在宋觀場明萬曆三十九年建雍正五年培修

靈臺寺 在宋觀場北七里明隆慶六年建康熙乾隆間歷次培修

常樂寺 在石龍場北六里明萬曆中建康熙五十六年嘉陽人何普茂開山

爲寺復重修見顏欽  
明碑記

正法寺 在順江場北八里童峯山半明洪武中建乾隆十八年重修見廟  
碑

梵音寺 在得勝場東十二里明萬曆中建乾隆十二年重建

西禪寺 卽桐子寺在得勝場西南二里明萬曆中建乾隆十四年重建

水笛灘大廟 在雲龍場東南十里明洪化中建雍正十一年重建見廟碑

雲龍寺 在雲龍場明萬曆中建乾隆十六年重建

華嚴寺 雲龍場北八里

羅乙卯寺 雲龍場南十四里明隆慶中建咸豐十一年重建民國十三年三建

海藏寺 在雲龍場東三里滙龍山明時古刹民國十四年因建築人和寨遷寺於山麓

永興寺 卽上寺在嘉祥寨明萬曆中建康熙十一年重建

寶相寺 卽下寺在嘉祥寨北二里明洪化中建康熙十一年重建

朝龍寺 在石洞鎮東四里雍正三年通明禪師錫居於此乾隆三十二年建寺宣緒三年培修

太慈寺 在石洞鎮南三里康熙二年建

瀘縣志

卷第一

輿地志

壇廟

六一

久康鉛石印刷社承印

泰雲觀 原名大雲寺在石洞鎮西北六里明萬曆中天池長老剎建清普旨

覺菴諸師培修道光時始改道觀易今名見廟碑以上麟現

通山寺 在玄灘場西四里

石頭寺 在玄灘場西南十二里明嘉靖三十五年建

龍興寺 在玄灘場西北二十八里道人溝

九井寺 在玄灘場東八里

仙峯寺 在玄灘場東十二里明時古刹康熙五十八年重建

吉祥寺 在玄灘場西北二十四里

太平寺 在玄灘場北十里鳳凰山

羅官房 在玄灘場東南十里

毗盧寺 在毗盧場明洪武中建

五明寺 在毗盧場北十里五明山宋時古刹道光八年重建

清香寺 在毗盧場東南三里明時古刹康熙中重建

華家寺 在寶峯場西南八里

天臺寺 在寶峯場西南五里

寶藏寺 亦稱大廟在寶藏場內

雷音寺 在喻坪場西五里寺後有洞深可三丈廣倍之故亦稱雷音洞

高奎山寺 在羅漢場東十里高奎山

新白塔寺 在縣東八里大江北岸寺中有七級浮屠名鎖江塔明御史王藩

臣建 以上  
里仁

瀘縣志

卷第一

續輿地志

壇廟  
城郭

六二

久康鉛石印刷社承印

續輿地志

城郭

瀘縣城區警察第一分駐所本管區內新舊街道名稱表

舊街道名稱	新街道名稱	備
火神廟街	貞靜路	
鐘鼓樓街	鼓樓路	
三牌坊	迎暉路	
鈕子街	人和路	
孝義街	孝義路	
孝順街	孝順路	
向陽街	朝陽路	
大北街	大北路	
魚市街	太平路	

考







前興隆街	後興隆街	皂角巷	側脚塢	院前街	興隆街	童家街	蕭巷子	塘坎上	庫房街	營盤街	鹽局巷	白招牌
前興隆街	同	同	同	大慈路	興隆路	童家路	同	同	同	大營路	同	同

瀘縣志

卷第一

續輿地志 城郭

六五

久康鉛石印刷社承印

瀘縣城區警察第三分駐所新舊街道名稱表

舊街道名稱	仁和上街	仁和中街	仁和下街	銅店街	鉛店街	橫街	順城街
新街道名稱	上平遠路	中平遠路	下平遠路	同上	同上	同上	同上
備							
考							





瀘縣志												瀘縣志													
第四區						第三區						第三區						第二區							
萬壽鄉	寶藏鎮	觀音鎮	興隆鄉	雨壇鄉	嘉明鎮	喻寺鎮	大田鄉	福集鎮	涂家鄉	雲青鎮	兆雅鎮	新溪鄉	石馬鄉	楊九鄉	特興鎮	羅漢鄉	土主鄉	白新鎮	立石鎮	五萬鎮	太伏鎮	中興鄉	彌陀鄉	沙坎鄉	分水鎮
萬壽場	寶藏場	觀音場	興隆場	雨壇場	嘉明鎮	喻市場	大田場	福集場	涂場	雲錦場	兆雅場	新溪場	石馬場	楊九場	特凌場	羅漢場	土主場	白雲場	立石場	五通場	太平場	中興場	彌陀場	沙坎場	分水場
丙	丙	乙	丁	丁	乙	丙	丙	丙	丁	丙	丁	丁	丙	丙	丙	丙	丙	丙	丙	丙	甲	丙	丙	丁	乙
喻坪							雲霧場 太和場	石崗場		青獅場					興隆場			新路場		萬定場	五里場 伏龍場				
二〇	二三	一五	一二	一四	四四	三〇	二二	二七	一三	三三	一四	一五	二一	一八	二八	二一	二三	二五	二五	三五	三五	二五	二三	一五	三〇
一八九九	二三五九	一五〇五	一二六四	一三五二	四四九三	二二八一	二二三一	二六七五	一三三七	三三三六	一四〇〇	一四六九	二一四二	一八〇八	二八四二	二一四三	二二八五	二五二六	二五四七	三五〇五	三五六六	二五〇九	二二九二	一五四二	三〇六一
一三六〇三	一六三八四	一〇一八九	八八八九	八二六八	二〇六四八	一四二七六	一四四一二	一五九五六	九一〇九	一九五四三	八二三三一	七二九四一	一三四二〇	一一二一一	一八六九四	一四二九二	一三四一六	一三六九八	一七三七六	二二〇五六	二〇六一二	一四三八一	一二九一四	八五二五	二〇八九六
二一九九	二二三五〇	二一〇六	一三九八	一七〇五	三六四五	二四九二	二二一一二	二六二八	一五四三	三二一八八	一一七七	一九二六	二二三八五	一八三七	二二三八三	二二一五一	一七九九	二二五七〇	二二四一五	四四一五	三九二七	二二二六〇	二四八二	一五〇九	二二五六三

瀘縣志

卷第一

續輿地志 鎮鄉

六八

久康鉛石印刷社承印

區 六 第												瀘 縣 志	區 五 第												
			天興鄉	大壩鎮	瓦子鎮	興隆鄉	海潮鎮	和豐鄉	況中鄉	大悲鎮	通石鎮	官渡鎮	胡市鄉	來奇鎮	牛金鄉	清龍鄉	奇峯鄉	得勝鎮	宋觀鎮	雲龍鎮	石洞鎮	石橋鄉	寶豐鄉	毗盧鎮	元灘鎮
			中興場	大壩鄉	瓦子鎮	興隆場	海潮寺	和豐場	況家場	大悲場	通灘場	官渡場	胡市場	來龍場	牛灘場	清平場	奇峯場	得勝場	宋觀場	雲龍場	石洞鎮	石橋場	寶豐場	毗盧場	玄灘場
			丙		乙	丁	丙	乙	乙	乙	乙	丁	丙	乙	丙	乙	丙	丙	甲	丙	丁	丁	丙	丙	
			天洋坪		朱家坪			中心場	馬嶺場 石棚場	石龍場			官渡場	奇丫場	金龍場	龍洞場	觀音場	曹市場	石龍場	順江場	永壽場	雙碑場 羅基坎		復興場	
			三六二、七二五	二、二五九	五四二、一六二	二〇一、二三三	三四三、二八八	二六二、四〇〇	四五四、四八九	四九四、四四七	四九四、九三一	一一、一八六	一八一、八五五	三二三、一一七	三三二、二〇〇	三〇二、九八四	二四二、三六六	二六二、六二九	二八二、七八〇	三七三、七六〇	三二三、一九七	二一二、一四七	一六一、六三四	二二三、二九六	二、五四六
			二二、〇八九	二三、〇五四	二四、四〇五	七、七七二	二〇、一八六	二四、一八八	二五、六三七	二八、二二五	三二、二八一	八、〇二六	一一、二七九	二四、二二三	一八、七五四	二二、一七二	一五、〇一三	一八、四〇〇	一八、一〇一	二三、八九六	二三、九四〇	二五、五三七	一二、八六〇	一六、二四九	一五、二四〇
			一、七五五	二、一七	一、一六四	四九六	二、〇三〇	二、四五二	四、四〇五	五、一六三	四、四五〇										二、六六五	二、四六〇	二、八七六	三、四三五	

瀘 縣 志

卷 第 一

續興地志 鎮鄉

六 九

久康鉛石印刷社承印

